

Թեև ամառն իր իրավունքի մեջ է մտել, Հայոց լեռները դեռ ծյունածածկ են: Այո, այս պարագայում կարելի է ասել, թե բնությունն էլ պայքարում է իր իրավունքի համար:

Շուկայում հայտնվել է կեռասը, վերջա-
նում է ելակը, սաղախյուններից բերված
կարտոֆիլը ողողել է հայոց շուկան, իսկ հայ
գյուղացին տեղ-տեղ դեռ ցանքի է սպասում:
Գիտնականների, էկոլոգների՝ մեր մոլո-
րակի ընդհանուր ջերմացման միտումն
մասին գուշակությունը չգիտես ինչու
Հայաստանին չի վերաբերում ձմեռը ցուրտ
էր ու երկար, գարունը՝ ծյունա-կարկտա-
հարված, ամառը սկսվել է... խոնավ է ու զով...

Իսկ գյուղացին շվարած երկնքին է
նայում. էլ ի՞նչ անակնկալ կարող է մատուցել
մեզ: Գյուղացին շվարել է. հողը զուրկ է
գիտական որևէ միջամտությունից, նախկին
ցանքատարածությունները դառնում են
անմշակ. անպտուղ հողեր, լեռնային
գյուղերի շատ բնակիչներ իրենց հատ-
կացված սեփական հողակտորները նույ-
նիսկ չեն մշակում: Կատարելով տարրական
հաշվարկ, նրանք համոզվել են, որ բարձր
լեռնալանջերից մի քանի հարյուր մետր
հողից հնձած խոտը տեղափոխելու համար
ավելի շատ վառելիքի ու տրանսպորտային
ծախսեր են հարկավոր, քան բերքից
ստացված եկամուտն է:

Գյուղը փորձության առաջ է...
Անձրևից, ձյունից ու կարկուտից
հալածված հայոց հողը կոխավորի հուլիսը



ու մարդիկ կսկսեն տրտմալ երաշտից,
սևահողը կչորանա, կբացվեն բույսերի

ՄԲՑՈՒՅԹ

Հայաստանի Հանրապետության
Գիտությունների ազգային ակադեմիայի
Ֆիզիկամաթեմատիկական և տեխնի-
կական գիտությունների բաժանմունքը
հայտարարում է մրցույթ՝ ՀՀ ԳԱԱ Գառնիի
տիեզերական աստղագիտության ինստի-
տուտի տնօրենի թափուր պաշտոնի
համար:

Տնօրենի պաշտոնում թեկնածուների
առաջադրման իրավունքը, համաձայն
ընդունված կարգի, պատկանում է ՀՀ ԳԱԱ
բաժանմունքի բյուրոյին, ինստիտուտի
գիտական խորհրդին, բուհերի գիտական
խորհուրդներին, ՀՀ ԳԱԱ անդամներին:

Թեկնածուների հիմնավորված առա-
ջարկությունները մինչև 2002թ. հուլիսի 25-
ը ուղարկել հետևյալ հասցեով՝ Երևան
375019, Մարշալ Բաղրամյանի պող. 24,
Ֆիզիկամաթեմատիկական և տեխնիկա-
կան գիտությունների բաժանմունք, հեռ.
52-70-03:

ՀՀ ԳԱԱ

ՖԻԶԻԿԱՄԱԹԵՄԱՏԻԿԱԿԱՆ և
ՏԵԽՆԻԿԱԿԱՆ ԳԻՏՈՒԹՅՈՒՆՆԵՐԻ
ԲԱԺԱՆՄՈՒՆԵՐ



ՈՒՇԱՑԱԾ ԳԱՐՈՒՆ... ԻՆՉՊԻՍԻՆ ԿԼԻՆԻ ԱՄԱՌԸ...

արմատները ու կսկսվի պայքարը ջրի
համար:

Իսկ Հայոց լեռնաշխարհից միևար-
դավոր խորանարդ մետր ջուր կհոսի
կիրճերով ու ձորերով դեպի Արաքսի
հովիտն ու, լցվելով մեր մայր գետը, կգնա
դեպի Կասպից ծով...

Երագող մի լավատես առաջարկել էր
Ջանգեզուրի լեռներում կուտակված
քաղցրահամ ջրերի հունը փոխել և
խողովակներով ուղարկել դեպի Մերձավոր
Արևելք՝ դեպի Սաուդյան Արաբիա: Հաշվարկ
էր արել, թե խողովակաշարի ծախսերը
հաճած, քանի միևարդի օգուտ կբերի այդ
ծեռնարկում: Ցավոք, միշտ չէ, որ նման
լավատեսական հաշվարկը համապատաս-
խանում է իրականությանը, իրատեսու-
թյանը: Հիշո՞ւմ եք, չէ՞ որ մեր գիտնական-
ներից մեկը քաղաքական ակտիվությամբ
տարիներին քաղաքական կոչեր անելիս,
չէր մոռանում ապացուցել, որ հայ ժողո-
վուրդը միայն «Ջերմուկ» արտահանելով
կարող է հարուստ ապրել: Արտահանեցին:
Իմ բարեկամ դեսպաններից մեկը պատմել
է, թե երբ ծեռնարկվեց «Ջերմուկի» արտա-
հանման գործը, հանքային ջրի միջազգային
շուկան վաղուց զբաղված, կանոնակարգ-
ված էր ու մեր «Ջերմուկը» զոնե հիմա չի
դիմանում «Վիշիի», «Էյո դե Վիլի» և
«Էվիանի» մրցակցությանը, ու մեր հարևան
երկրում մի քանի շիշ վաճառվելուց հետո՝
մշտական գրանցում ստացավ ներքին
շուկայում:

Մենք ուշանում ենք, պարոններ, մենք
կորուստներ ենք տալիս...

Իսկ մեր լեռներում դեռ ցուրտ է, ու
լեռնալանջերը ծյունածածկ են: Ամերիկայի
Միացյալ Նահանգներում, ուր հողը,
արոտավայրերը սեփականաշնորհված են
երկու հարյուր տարի առաջ ու ստեղծված է
հողամշակման ու անասնապահության
բարձրագույն տեխնոլոգիա, գյուղնախարա-
րությունը պաշտպանության նախարա-
րության համարժեք նշանակություն ունի:
Իսկ մեզ մոտ (որտեղ շատ են սիրում իբր
օրինակ վերցնել հզորներից) գյուղնախա-
րարությունը գյուղացուն վաղուց է մոռացել:
Ի՞նչ առաքելություն ունի այդ նախարարու-
թյունը, եթե գյուղում չկա օղակ, համակարգ,
որը գիտական ու կազմակերպչական
հարցերը հասցնի գյուղացուն: Ո՞վ պետք է
վճարի գյուղում բնակվող գյուղատնտեսին,
սերմնաբույծին, անասնաբույծին, զոտեխ-
նիկին, եթե մեր համայնքներում դաշտերն
ու այգիները բզիկ-բզիկ արված անհատին
են պատկանում, եթե գյուղացին մեկ-երկու
(զույգե մի քիչ ավել) կով ունի ու
առավոտները, ինչպես 100 տարի առաջ,
շալակած կաթն ու մածուկը քաղաք է բերում
ու վաճառում՝ տնից-տուն, թաղից-թաղ
թափառելով: Տարիներ առաջ մեր իսկ
առաջարկությունը՝ մեր թաղամասերում
ստեղծել թարմ կաթնեղենի վաճառքի
խանութներ, մնացին անհետևանք:
Արդյունքը՝... խնդրեմ, հայ գյուղացին իր
կովի ու ոչխարի թարմ կաթն ու մածուկը
փողոցներում վաճառում է մեկ լիտրը 200



ՀՈՂԱԳՈՐԾԸ

Գարունն ավարտվեց... Շատ տեղերում ցանք անգամ չարեցին, իսկ շատ
տեղերում էլ ջրի առատությունից սևահողը կարծրացավ, ծեծվեց ու... Ու ինչպես
շատ ենք լսել արդեն կամ հորդ անձրևի պատճառով բերքը փչացավ, կամ չորության,
երաշտի պատճառով բերք չեղավ: Ոչինչ, արդեն սովորել ենք, ու թեև շուկան նույն
մարդկանց ձեռքում է, ու առատ է ամեն ինչ, բայց հողի հետ անմիջական գործ ունեցող
գյուղացին մուտք չունի շուկա: Ու նրանց համար, ովքեր վերավաճառողներից բացի
ուրիշ հիշարժան դեմք վաղուց չեն տեսել, հրապարակում ենք ահա այս լուսանկարը՝
հողագործը...

Այս կովը նրա տիրոջ միակ սեփականությունն է: Ընթերցող, մի տանջվիր
նմանությամբ որոշել թե որ գյուղից է լուսանկարը: Այն արված է Սենեգալում...



դրամ, իսկ քաղաքացին գերադասում է
խանութներից գնել տարբեր ֆիրմաների
կաթն ու մածուկը՝ կրկնակի գնով: Ի՞նչ անի
գյուղացին. նա չի կարող գովազդել իր
ապրանքը, շուկա հասնել գեղեցիկ փաթե-
թավորված ու տարաներով, նա չի դի-
մանում մրցակցությանը, քանզի չունի տեր,
չունի կազմակերպիչ: Իսկ ով, եթե ոչ
գյուղնախարարությունը, գյուղատնտ-
եսական ակադեմիան, գյուղատնտեսական
գիտահետազոտական ինստիտուտները
պետք է օգնեն գյուղացուն՝ լուծելու
բոլորնով ստացված մթերքների վաճառքը,
որը կբարելավի նրա նյութական վիճակը,
կօգնի նաև սպառողին:

Հիմա սովորույթ է դարձել կրկնել, թե ով
է տերը, ո՞ւմ դարձնում է դա: Ասում են բոլորը՝
շարքային գնորդն ու վաճառողը, պաշ-
տոնյան ու գիտնականը: Ո՞վ է տերը... Ասենք
ով է... Գյուղացին նույն տառապանքով
ապրող արտադրողն է, շուկան վերա-
վաճառողների ձեռքին է, իսկ գյուղա-
տնտեսական բնագավառի պաշտոնյաների
ու գիտնականների քանակը հազարների է

հասնում: Ուրեմն, ինչո՞ւ ենք մենք
ապավինում միայն բնությանը, երբ պետք է
մեր գիտության նվաճումները գյուղ մտնեն,
գյուղ գնան և՛ գյուղական գիտության
ներկայացուցիչները և օգնեն գյուղացուն
նվազագույնի հասցնելու բնության արհա-
վիրքների հետևանքները, թույլ չտալու, որ
գյուղը դառնա մի խուճաբանականների
ու միայնակ ծերերի բնակավայր: Չէ՞ որ դեռ
վաղուց հայտնի է, որ երկրի, ժողովրդի
կենսունակությունը միայն կոմպյուտեր-
ների և նրանց կցորդ դարձած կոմպյու-
տերագործների մեջ չէ, Հայոց երկրի ապա-
գան բարգավաճ ու ուժեղ գյուղն է, հա-
րուստ, բայց իր հողին կապված գյուղացին:
Ահա այս մտքերով տարված օրերս
վերադարձա գյուղից: Ամպերն իջել էին
լեռնալանջերով, լցվել ձորակները: Այնտեղ
նորից կարկուտ էր տեղում, բազմիցս
ծեծված հողը նորից ծածկվելով սպիտակով:

Վաղիմիր ՄՈՒՐԱԴՅԱՆ

Ֆրանսիական «Մարի Ֆրանս» հանդեսը իր էջերը նվիրել է պատանիների, մեծահասակների
հագուստի գովազդին: Կասեք ի՞նչ գարմանալու բան կա. արևմուտքում հագուստի գովազդ են
հրապարակում նույնիսկ քաղաքական հանդեսները: Պարզվում է, ուշագրավ է այս գովազդը:
Հանդեսի այդ համարը գովազդում է գյուղական կյանքը՝ հագուստ, բնակարանի կահավորման
պարագաներ, գյուղացու փոխադրամիջոցներ: Տեսեք պատանի ֆերմերի այս հագուստը... Տարիներ
առաջ «Ավանգարդ» թերթում գովազդված երիտասարդ անասնապահի արտահագուստը և կովոյ
ֆերմերի լայնեզր գլխարկը բուռն դատապարտման արժանացավ վերևից. ի՞նչ է, մեր կոլխոզնիկին
ուզում եք արևմտյան բարքեր սովորեցնել...: Զայրացած ասացին մեզ:

— Մեծարգո պրոֆեսոր: «Գիտություն» թերթի խմբագրությունը դեռ չէր հասցրել շնորհավորել Ձեզ՝ ծննդյան հոբելյանի առթիվ, երբ առաջացավ շնորհավորանքի նոր առիթ. Դուք ընտրվեցիք Հայաստանի գիտությունների ազգային ակադեմիայի հունանիտար գիտությունների բաժանմունքի ակադեմիկոս-քարտուղար: Սրտանց շնորհավորում ենք Ձեզ, մաղթում առողջություն և հաջողություններ՝ ստեղծագործության և գործունեության նոր ոլորտում:

— Ընտրակալություն: Հաճելի է, երբ քեզ շնորհավորում է թերթը:

— Հարգելի ակադեմիկոս, հետ մայելով Ձեր կյանքի անցած ճանապարհին, տարիների հեռվից ինչպե՞ս կգնահատեիք Ձեր նախասիրությունը պատմության գիտության նկատմամբ և գո՞հ եք, արդյոք, որ Ձեր ողջ կյանքը նվիրել եք պատմագրությանը:

Ծնունդ Հայաստանի անկախ Հանրապետություն:

— Հայաստանի անկախության հաստատումը նոր խնդիրներ առաջադրեց նաև պատմական գիտությանը: Առաջ եկավ հայ ժողովրդի քաղաքական պատմության, ազգային-ազատագրական շարժումների, ազգային կուսակցությունների ծագման, գաղափարախոսության, տեսության և գործունեության, Հայկական հարցի և Օսմանյան կայսրությունում հայերի ցեղասպանության, հայ եկեղեցու, մեր պատմության մեջ քրիստոնեության դերի հիմնահարցերի, Սփյուռքի պատմության խորը ուսումնասիրության հարցը: Առանձնահատուկ նշանակություն ստացավ անհատի պաշտամունքի տարիներին ազգային ազատագրական պայքարի անվանարկված հերոսների, մեր ժողովրդի երախտավորների, կամայականության զոհերի

1923 թվականներին» մեծագրությունը և Գ.Գալոյանի ու պատմական գիտությունների դոկտոր Վ.Ղազարխանյանի ղեկավարությամբ և ակտիվ մասնակցությամբ ստեղծված «Հայաստանի Հանրապետության քաղաքական պատմությունը. 1918 – 1920թթ.» փաստաթղթերի ու նյութերի ժողովածուն:

Արժեքավոր ժողովածուներ են ակադեմիկոս Վ.Միքայելյանի ստեղծած գործերը՝ «Լեռնային Ղարաբաղ. 1917 – 1923 թվականներ» և «Հայկական հարցը և հայերի ցեղասպանությունը Կայսերական Գերմանիայի արտաքին գործերի նախարարության փաստաթղթերում ու նյութերում» փաստաթղթերի ժողովածուները:

20-րդ դարի պատմությունը նորովի լուսաբանված է 5-10-րդ դասարանների պատմության դասագրքերում և 2001թ. հրատարակված «Պատմություն. Հայոց

հայ ժողովրդի պատմության քառահատորյակի ստեղծման աշխատանքներին:

Առաջին հատորում, որն ընդգրկում է Հայաստանի պատմությունը հնագույն ժամանակներից մինչև 9-րդ դարը, առանձնակի ուշադրություն է հատկացվել հայոց ինչպես հնագույն՝ մ.թ.ա. 3 – 2-րդ հազարամյակների պետական կազմավորումների, այնպես էլ Վանի (մ.թ.ա. 9 – 6-րդ դդ.), Երվանդունյաց, Արտաշեսյան, Արշակունյաց պետականությունների հիմնահարցերի վրա:

Պատմագիտական, հնագիտական ու լեզվաբանական նոր նյութերի քննությամբ հատուկ հետազոտության առարկա են դառնալու հայ ժողովրդի կազմավորման, հայերի հնդեվրոպական ծագման, նրանց տեղաբնիկ լինելու հարցերի վրա: Հատորում ցույց է տրվելու Հայկական լեռնաշխարհի մշակութային ժառանգության շարունակականությունն ու ներ-

ԾԱՌԱՅԵԼ ԾՇՄԱՐՏՈՒԹՅԱՆԸ. ԱՅԱ ՊԱՏՄԱԲԱՆԻ ԳԼԽԱՎՈՐ ԱՌԱՔԵԼՈՒԹՅՈՒՆԸ

Հարցազրույց ՀՀ ԳԱԱ ակադեմիկոս, պատմական գիտությունների դոկտոր, պրոֆեսոր ՀՐԱՆՏ ԱՎԵՏԻՍՅԱՆԻ հետ

Այո՛, և՛ գոհ, և՛ բավարարված: Եթե նորից հարց առաջանար մասնագիտական ընտրության, անշուշտ, կընտրեի մեր ժողովրդի հերոսական և ողբերգական անցքերով լի պատմությունը: Մերը և հետաքրքրությունը դեպի պատմությունը ինձ մոտ առաջացել է աշակերտական տարիներից. դպրոցում ունեցել եմ շատ լավ ուսուցիչներ, համալսարանում՝ ճանաչված դասախոսներ՝ Վահան Ռշտունի, Ստեփան Ներսիսյան, Բենիամին Հարությունյան, Հայկազ Ժամկոչյան, Մկրտիչ Ներսիսյան, Աբգար Հովհաննիսյան, Սուրեն Երեմյան, Ժենյա Միրզախանյան...

Սակայն իմ առաջին ուսուցիչները եղել են ծնողներս, որոնք Կարսի մարզի Բաշգյուղից գաղթել և բնակություն են հաստատել Ղարաբաղիսայում (Վանաձոր): Ծնողներիցս ամբողջատ լսել եմ Երզրի մասին, վերապրել նրանց ցավն ու ողբերգությունը, մեր հարազատների ու հայրենակիցների անդառնալի կորուստները: Լսել եմ, որ 1918թ. գաղթի ժամանակ Արաքսի այս ափ չեն անցել, մնացել են ճանապարհին պապերս ու տատերս, հորեղբայրներ ու հորաքույրեր, մորեղբայրներ և մորաքույրեր՝ 20 հոգի: Դրանց մեջ և 17-ամյա հորեղբայրս՝ Հրանտը, որի անունով էլ կնքեցին ինձ Ղարաբաղիսայում: Այս ամենը, անշուշտ, խաղացին իրենց դերը իմ մասնագիտական ընտրության գործում: Իմ ուսումնասիրության առարկան դարձան 1917 – 1921 թվականների պատմության հարցերը և ընդահմարապես նոր պատմության հարցերը՝ սկսած Հայկական հարցի միջազգայնացումից:

— ԳԱԱ հունանիտար գիտությունների բաժանմունքի ակադեմիկոս-քարտուղար, ակադեմիկոս Հրանտ Ավետիսյանը երկար տարիներ աշխատել է հայագիտական հաստատություններում, ղեկավարել է ակադեմիայի պատմության ինստիտուտը: Պարոն Ավետիսյան, ի՞նչն էք կարևորել ինստիտուտի կոլեկտիվի համար: 2է՞ որ խորհրդային պատմագրության շատ հայեցակետեր, բնականաբար, վերանայվել են: Նոր ժամանակները, անշուշտ, նոր խնդիրներ են առաջադրել պատմաբաններին: Մասնավորապես, խնդրեմ, այդ խնդիրները: Մեր ժողովուրդը ե՞րբ իր սեղանին կունենա 20-րդ դարի ամենավճռորոշ իրադարձությունների ճշմարիտ շարադրանքը՝ Առաջին Հանրապետություն, խորհրդայնացում, խորհրդային տարիներ, ԽՍՀՄ փլուզման

բարի անվան վերականգնման, պատմության սպիտակ էջերի վերացման խնդիրը:

20-րդ դարը, հիրավի, մեր պատմության ամենավճռորոշ իրադարձություններով լի ժամանակաշրջան է: Եղեմ, հայոց պետականության վերականգնում՝ Առաջին Հանրապետություն: Խորհրդային Հանրապետության 70 տարիներ, ԽՍՀՄ-ի փլուզում՝ Հայաստանի անկախ Հանրապետություն, Լեռնային Ղարաբաղի Հանրապետություն:

Այս ժամանակաշրջանի և պատմական երևույթների ուսումնասիրությունը կատարվում է պատմության ինստիտուտում ստեղծված համապատասխան բաժիններում՝ այժմ թեմատիկ խմբերում: Եիշտ է, ամբողջական աշխատանքներ դեռ չեն հրատարակվել, և շատ անելիքներ կան ճշմարտացի պատմությունը վերհանելու և հանրությանը ներկայացնելու համար, սակայն լույս են տեսել մի շարք մեծագրություններ, դպրոցական դասագրքեր, փաստաթղթերի ժողովածուներ, արժեքավոր հոդվածներ, որոնցում արխիվային հարուստ նյութերի հիման վրա խորությամբ լուսաբանվել են 20-րդ դարի վճռորոշ հիմնահարցերը:

Վերջին տարիներին լույս են տեսել ակադեմիկոս Զ.Սիմոնյանի «Անդրանիկ», պատմական գիտությունների թեկնածու Վ.Մելիքյանի «Փետրվարյան հեղափոխությունը և Հայաստանը», պատմական գիտությունների դոկտոր Ա.Հակոբյանի «Հայաստանի առաջին Հանրապետության խորհրդարանը և կուսակցությունները», պատմական գիտությունների դոկտոր Հ.Հարությունյանի «Լեռնային Ղարաբաղը 1917 – 1921թթ.», պատմական գիտությունների թեկնածու Գ.Մախմուրյանի «Ազգերի լիգան, Հայաստանը և Հայկական հարցը», Մ.Կարապետյանի «Հայաստանի Հանրապետության բանակը 1918 – 1920թթ.», «Հայկական կամավորական խմբերը և ազգային գումարտակները Կովկասյան ռազմաֆրոնտում. 1914 – 1917թթ.», իմ երեք մեծագրությունները՝ «Բրեստ-Լիտվսկի. ինչպե՞ս բռնակցվեցին Թուրքիային Կարսը, Արդահանը, Բաթումը», «Հայկական հարցը 1918 թվականին», «Հայոց ազգային միասնության հաղթանակը. 1918 թվականի մայիս»:

Առանձնապես ցանկանում եմ առանձնացնել ակադեմիկոս Գ.Գալոյանի «Հայաստանը և մեծ տերությունները. 1917 –

պատմությունը համաշխարհային պատմության համատեքստում» 9-10-րդ դասարանների համար գրված դասագրքերում:

Հրատարակվել են մի շարք աշխատություններ՝ նվիրված Խորհրդային Հայաստանի պատմությանը: Կցանկանայի առանձնացնել Ա.մանուկյանի «Քաղաքական կյանքը Հայաստանում 1921 – 1940 թվականներին» և Ա.Վիրաբյանի «Ստալինից Խրուշչով. Քաղաքական կյանքը Հայաստանում» գործերը:

Ամբողջական պատմությունը կտրվի Հայ ժողովրդի պատմության քառահատորյակի 4-րդ հատորում, որը կընդգրկի 1917 – 2002 թվականների պատմությունը:

— Վերջերս Ձեր ներկայացմամբ ՀՀ ԳԱԱ նախագահությունը որոշում ընդունեց «Հայ ժողովրդի պատմության» քառահատորյակի պատրաստման և հրատարակման մասին: Ի՞նչն է կարևորվելու այդ հրատարակության շարադրանքում և ինչո՞ւ է առաջացել քառահատորյակի անհրաժեշտությունը:

— Հայոց ամբողջական պատմության ստեղծման գործում կարևոր նշանակություն ունեցավ 1967 – 1984 թվականներին պատմության ինստիտուտի հրատարակած «Հայ ժողովրդի պատմության» ութհատորյակը, որում բազմաթիվ հարցեր լուսաբանվել են առաջին անգամ: Գ.Գալոյանի ղեկավարությամբ ստեղծված ութհատորյակը արժանացավ Հայաստանի պետական մրցանակի:

Սակայն խորհրդային շրջանում, գաղափարա-քաղաքական կապերների առկայության պայմաններում բազմապիսի խնդիրներ կամ մեկնաբանվել են միակողմանի դասակարգային պայքարի, աշխարհընկալման «սոցիալիստական ըմբռնման» գաղափարախոսության տեսանկյուններից, կամ առհասարակ շրջանցվել: Ուստի ներկա փուլում հայոց ամբողջական և հիմնարար պատմության ստեղծումը դարձել է ժամանակի հրամայականը և ունի բացառիկ գիտաքաղաքական, գործնական-դաստիարակչական ու ճանաչողական նշանակություն: Այդ բացը լրացնելու նպատակով էլ Ազգային ակադեմիայի նախագահության որոշմամբ պատմության ինստիտուտը հանրապետության հայագիտական հաստատությունների մասնագետների ընդգրկմամբ ձեռնամուխ է եղել

քին շաղկապվածությունը, ըստ արժանվույն ներկայացվելու է Հայ առաքելական եկեղեցու ազգամեր գործունեությունը:

Երկրորդ հատորը ներառնելու է Հայոց Բագրատունիներից մինչև 18-րդ դարի կեսերի պատմական անցքերը: Հիմնովին հերքվելու են թուրք-աղբերջանական քաղաքական շրջանակների և պատմագրության կողմից հրապարակ հանված կեղծ դրույթները միջնադարում հայկական պետականության և ազգային ինքնության «բացակայության» վերաբերյալ: Լայնորեն շարադրվելու է ինչպես Բագրատունիների, Ջաքարյանների, Կիլիկյան Հայաստանի պետականությունների, այնպես էլ ավելի ուշ՝ Արցախի, Սյունիքի մելիքությունների, 16– 18-րդ դարերի ազատագրական շարժումների պատմությունը:

Հայոց պատմության նոր ժամանակաշրջանի հիմնախնդիրները լուսաբանվելու են 3-րդ հատորում, որը ընդգրկում է 18-րդ դ. կեսերից մինչև 1917թ. փետրվարյան հեղափոխությունը: Իրենց լուծումը կստանան մի շարք հանգուցային թեմաներ՝ մասնավորապես հայ ազգային-ազատագրական պայքարի, սոցիալական և սոցիալիստական շարժումների, ազգային կուսակցությունների, առաջին համաշխարհային պատերազմում կամավորական ջոկատների գործունեության գնահատականի, 1915թ. Հայոց Մեծ Եղեռնի քաղաքական դրդապատճառների ու բարոյա-քաղաքական հետևանքների հիմնահարցերը:

Չորրորդ հատորում նոր փաստաթղթերի հիման վրա նորովի կշարադրվի Առաջին Հանրապետության և խորհրդայնացման, Մոսկվայի խորհրդաթուրքական պայմանագրի, ՆեՊ-ի, նախապատերազմյան և հետպատերազմյան ժամանակաշրջանների պատմությունը: Նրանում տեղ կգտնեն Ստալինյան քաղաքական բռնաճնշումների, հայ առաքելական եկեղեցու, հայրենիք-սփյուռք փոխհարաբերությունների, սփյուռքահայ համայնքների, երկրորդ համաշխարհային պատերազմում հայերի մասնակցության, խորհրդային Հայաստանի տնտեսական, մշակութային նվաճումների և այլ հիմնահարցեր:

Այս հատորի անհրաժեշտությունը պայմանավորված է նաև 8-հատորյակում Հայաստանի 1970 – 2000 թվականների պատմության բացակայությամբ:

(Հարունակությունը՝ 3-րդ էջում)

(Սկզբը՝ 2-րդ էջում)

Բազմափառության եզրափակիչ մասում հատուկ ուշադրություն է հատկացվելու Արցախյան համագոյն շարժման և հայոց անկախ պետականության վերականգնման ու կայացման, Հայաստանի Հանրապետության և Լեռնային Ղարաբաղի Հանրապետության ներքին և արտաքին հարաբերությունների ինստիտուտներին:

Այդ դժվարին խնդրի լուծման համար այժմ առկա են բոլոր պայմանները՝ գաղտնագրված հարուստ արխիվային

մանկավարժական գործունեությունը: Հարգարժան պրոֆեսորը ի՞նչ է մտածում իր այսօրվա ուսանողների մասին, ի՞նչով են այսօրվա ուսանողները տարբերվում Ձեր ժամանակվա և անգամ 10-15 տարի առաջվա ուսանողներից:

Եվ ընդհանրապես, երիտասարդ պատմաբանների պատրաստման, պատմական գիտության երիտասարդացման մասին, որն այսօր լուրջ և անհրաժեշտ խնդիր է:

— Այսօրվա ուսանողությունը, անշուշտ, ավելի շատ ինֆորմացիա ունի

եվ մի կարևոր խնդիր: Պատմագիտության երիտասարդացման հարցը անլուծելի կմնա, քանի դեռ մասնագետը երաշխիք չի ունենա, որ այդ գիտությունը իրեն հնարավորություն կտա ապրել և ընտանիք պահել: 8-10 հազար աշխատավարձի հեռանկարը հազիվ թե հրապուրի երիտասարդներին:

— Այսուհետև ԳԱԱ ակադեմիկոս-քարտուղարը ղեկավարելու է հումանիտար բաժանմունքը, ուր կենտրոնացված են հայագիտությունը ներկայացնող գիտական ինստիտուտները: Ձեր

գիտական, ծեռագրագիտական, մարդաբանական ուսումնասիրություններ:

Հայոց լեզվի պատմության (հայոց լեզվի ծագումը և զարգացումը), ժամանակակից հայոց լեզվի կառուցվածքի և գործառնության, արևելահայ և արևմտահայ գրական լեզուների փոխհարաբերության հարցերի, ժամանակակից հայերենի կանոնակարգման խնդիրներին վերաբերող ուսումնասիրություններ, հայ բարբառագիտական ատլասի կազմում, ազգագրական, ժողովրդագրական, բանագիտական, ֆոլկլորային բնույթի

ԾԱՌԱՅԵԼ ՃՇՄԱՐՏՈՒԹՅԱՆԸ. ԱՅԱ ՊԱՏՄԱԲԱՆԻ ԳԼԽԱՎՈՐ ԱՌԱՔԵԼՈՒԹՅՈՒՆԸ

Հարցազրույց ՀՀ ԳԱԱ ակադեմիկոս, պատմական գիտությունների դոկտոր, պրոֆեսոր ՀՐԱՆՏ ԱՎԵՏԻՍՅԱՆԻ հետ

ու հրատարակված նյութ, հրապարակում եղած արժեքավոր աշխատություններ, գիտական կարող ուժ:

— Ձեր գրիչը չափազանց բեղմնավոր է եղել, և դուք հաճախ եք մեզ հաճելի անակնկալներ մատուցում մոր մենագրություններով, աշխատություններով: Ինչի՞ վրա է աշխատում ներկայումս պատմաբան Հրանտ Ավետիսյանը:

— Այժմ հրատարակության ընթացքում է «Հայերը Բաքվի պաշտպանությունում. 1918թ. հունիս-սեպտեմբեր» աշխատությունը, փաստաթղթերի և նյութերի հավելվածով:

Ավարտին է մոտենում «Ռուսական կայսերական բանակի հայ զենեակները» աշխատությունը, որտեղ տրվում են 155 զորավարի կենսագրական տեղեկություններ՝ սկսած 1734 թվականից մինչև 1917 թիվը:

— Դուք բազմազբաղվածության հետ միաժամանակ համատեղում եք

քան մեր ժամանակվա, նույնիսկ 10-15 տարվա առաջվա ուսանողությունը, ավելի զարգացած է, կան դասագրքեր, որակյալ դասախոսներ: Մնում է, որ պարտաճանաչ կատարեն իրենց պարտականությունները: Մեծ մասն, իհարկե, պարտաճանաչ է: Ձգտումը դեպի գիտությունը զգացվում է մագիստրատուրայում սովորող երիտասարդների մոտ, գրում են հետաքրքիր ավարտական աշխատանք, նորովի և համարձակ մոտենում հիմնահարցերի բացահայտմանը: Սակայն բոլորին չէ, որ հաջողվում է ընդունվել ասպիրանտուրա, շարունակել կատարելագործվել, որովհետև ասպիրանտական տեղերը չափազանց սահմանափակ են: Յուրաքանչյուր ինստիտուտ կարողացում է ընդունել մեկ ասպիրանտ, իսկ դրանով գիտության զարգացում հնարավոր չէ:

գործունեությունը և նպատակաուղղվածությունը հայագիտության այսօրվա գլխավոր խնդիրների, նրա զարգացման հիմնական միտումների վերաբերյալ:

— Հայագիտությունը Հայաստանի գիտությունների ազգային ակադեմիայի, հանրապետության գիտության առաջնային խնդիրն է: Բաժանմունքը միավորում է 10 գիտահետազոտական հիմնարկություն: Հիմնահարցերը բազմազան են:

Հայերի, որպես ժողովրդի, կազմավորման, պետականության ստեղծման ու զարգացման պատմության, հայոց պետականության վերականգնման և հայ ժողովրդի անկախության համար մղած պայքարը (սկսած 16-րդ դարից մինչև մեր օրերը) Հայկական հարցի, օսմանյան թուրքիայում հայերի ցեղասպանության, անկախ Հայաստանի հիմնահարցերը:

Հայ նյութական մշակույթի հնա-

ուսումնասիրություններ, հայ արվեստի և գրականության պատմության տեսության ուսումնասիրություն, Հայաստանի Հանրապետության սոցիալ-տնտեսական զարգացման հիմնահարցերի ուսումնասիրություն, Հայաստանի Հանրապետությունը Անդրկովկասյան-Մերձավորարևելյան աշխարհաքաղաքական տարածաշրջանի գոտում և այլ հիմնախնդիրներ:

Այս հիմնահարցերը կընդգրկվեն գործունեության նպատակային և հիմնավոր ծրագրի մեջ և կդառնան աշխատանքային ծրագրի մոտակա և առաջիկա տարիների համար:

— Ուրեմն, հաջողություն մաղթենք Ձեզ և բաժանմունքի գիտական հաստատություններին՝ այդ ծրագրի իրականացման գործում և, անշուշտ, շնորհակալություն հարցազրույցի համար:

Ակադեմիկոս Հրանտ ԱՎԵՏԻՍՅԱՆԻ հետ զրույցեց ԼՆՌԻՆԵՎԻԿԱՆ ԳԱՔՐԻԵԼՅԱՆԸ

(Սկզբը՝ ՆՆ 1-4-ում)

Դիատոմիտները, որոնք արտասահմանյան գրականության մեջ անվանվում են նաև «Կիզելգուր» կամ «ինֆուզորային հողեր», հանդիսանում են արդյունաբերության ու շինարարության կարիքների համար բազմաճյուղ կիրառության հույս: Հայաստանը հարուստ է դիատոմիտներով, որոնք կարող են կիրառվել սննդի և քիմիական արդյունաբերության մեջ, որպես.

— գտիչ նյութեր՝ շաքարային օշարակների, բուսական յուղերի, գլիցերինի, ինսուլինի, մրգահյութերի, գինիների, զարեջրի, ոչ ալկոհոլային խմիչքների մաքրման, գունազրկման և պինդ ու հեղուկ մասնիկները տարանջատելու նպատակներով.

— կլանիչ նյութեր՝ քիմիական արդյունաբերություններում՝ թթուների կլանման, հեղուկների ախտահանման, օգտագործված քսուկային յուղերի վերականգնման և նավթային գոլորշիների կլանման համար, քրոմոտոգրաֆիայում՝ հեղուկ և գազային խառնուրդների քրոմոտագրային տարանջատման համար,

— լցանյութեր՝ պլաստմասսաներում, ռետինատեխնիկական և թղթի արդյունաբերություններում,

— շինարարության մեջ՝ ցեմենտի, խեցեգործական իրերի և այլ արտադրություններում, ծայնա և ջերմամեկուսիչ նյութեր պատրաստելու հույս: և այլն:

Դիատոմիտներից պատրաստվում են նաև կատալիզատորի կողոմներ, լաբեր ու ներկեր, քաղաքացիական օդագնացության մեջ կիրառվող ինդիկատորային խողովակներ և այլն: Հայկական դիատոմիտներից պատրաստված արտադրանքները, հատկապես գտափոշիները, մեծ պահանջարկ կարող են ունենալ Եվրոպայի բոլոր երկրների կողմից: Ասվածը հաստատելու համար բերենք մի օրինակ. զարեջրի և գինիների մաքրման (սպիտակեցման) համար Գերմանիայի Ֆեդերատիվ Հանրապետությունը 1987 — 1988թթ. ցանկություն էր հայտնել գնել տարեկան

10 հազ. Ջրածորի հանքավայրի դիատոմիտներից թողարկվող որակյալ գտափոշիներ, որոնց արտադրությունը Հայաստանում այդպես էլ չկազմակերպվեց: Նշենք, որ դիատոմիտներից պատրաստված գտափոշիները, միջազգային շուկայում, կարող են գնահատվել 1000-ից

ցեղիտների կիրառությունը գազային և նավթաքիմիական արդյունաբերության մեջ՝ գազերի մաքրման և չորացման նպատակով, օդից թթվածնի ու ազոտի անջատման համար, որոնք օգտագործվում են ամոնիակի և ամոնիակային սելիտային արտադրության մեջ, վա-

ԸՆԴԵՐՔԸ ՀԱՐՈՒՍՏ Է, ԻՍԿ Ե՛ՐԲ ՊԵՏԻ Է ՀԱՐՍՏԱՆԱ ԵՐԿԻՐԸ

մինչև 1100 դոլար, այսինքն նույնքան, որքան և պեռլիտներից թողարկվող գտափոշիները:

Հայաստանի ընդերքը հանդիսանում է բնական ցեղիտների հզոր շտեմարան: 70-ական թվականների սկզբին Հայաստանում հայտնաբերվել են մի քանի հանքավայր և հանքաներկան, որոնց մեջ ուրույն տեղ է զբաղեցնում Նոյեմբերյանի հանքավայրը իր հանքատեսակների բազմազանությամբ, ռետուրների մեծությամբ՝ հանքավայրը շահագործելու համար շատ նպաստավոր երկրաբանական, աշխարհագրական և լեռնատեխնիկական պայմաններով:

Ցեղիտները լայն կիրառություն և բազմազան ոլորտի հույս են թե արդյունաբերության, թե գյուղատնտեսության և թե շրջակա միջավայրի պահպանության մեջ: Աղսորդքից և մոլեկուլյար-մադային հատկությունների վրա է հիմնված

կուլումային տեխնիկայում՝ գազերի աննշան քանակները որսալու եղանակով խորը վակուում ստեղծելու նպատակով, սառեցման տեխնիկայում՝ սառեցմող նյութերի խորը չորացման համար, որոշ նյութերի սինթեզման ժամանակ բենզոլի և այլ բուրավետ ածխաջրածինների մաքրման համար, սինթեզման հումքը և քիմիական արդյունաբերության թափոնները ծծմբային ու միտրատային խառնուրդներից մաքրելու համար, ատոմային արդյունաբերության թափոններից ռադիոակտիվ ստրոնցիումը և ցեզիումը կլանելու համար և այլն: Ցեղիտների կատալիտիկ հատկություններն օգտագործվում են նավթի կրեկինգի ժամանակ: Կատիոնափոխանակման հատկությունների վրա է հիմնված ցեղիտների կիրառությունը ջրերի փափկեցման համար: Բնական ցեղիտները լայն կիրա-

ռություն են գտել գյուղատնտեսության մեջ, որտեղ նրանք բարձրացնում են հողի բերքատվությունը, բարելավում վերջինիս կատիոնափոխանակման հատկությունը, նպաստում խոնավության պահպանմանը և պարարտանյութերը պաշտպանում լվացումից: Ընտանի կենդանիներին և թռչուններին ցեղիտ պարունակող կերով կերակրելիս մեծանում է աճող մատղաշի քաշը, կենդանիներն ազատվում են բորից, աճում է կաթնատվությունը, բարձրանում է կաթի և մսի որակը և այլն:

Ռուսաստանի Դաշնության Նովոսիբիրսկի մարզի գիտնականները բնական ցեղիտների հենքի վրա մշակել են տասը ամուն օրգանական ակտիվ հավելում պարունակող արտադրանքներ (սննդանյութեր ու դեղամիջոցներ), որոնք արդեն իսկ փորձարկվել են բազմաթիվ ու բազմապիսի (30-ից ավելի) հիվանդություններով տառապող մի քանի տասնյակ հիվանդների բուժման համար և ամեն դեպքում ստացել են միանգամայն դրական արդյունք:

Բնական ցեղիտների հանքավայրեր են հայտնաբերվել նաև Ադրբեջանում, Վրաստանում, Ռուսաստանում, Ուկրաինայում, Թուրքմենիայում և այլ վայրերում, որտեղ ցեղիտները որպես հանքանյութային մոր տեսակի օգտակար հանածոներ ավելի մեծ ուշադրության են արժանացել, քան մեզ մոտ՝ Հայաստանում:

ՀՀ Նոյեմբերյանի հանքավայրի հենքի վրա ցեղիտային արտադրանքի լայն տեսականու արդյունաբերական արտադրության կազմակերպումով ոչ միայն տեղական արդյունաբերության ու գյուղատնտեսության կարիքների բավարարումը կապահովվի, այլև դրանց կիրառությունը կօգնի լուծել մեր ժողովրդի ամենակենսական հարցերից մեկը՝ շրջակա միջավայրը վտանգավոր չափերի հասած աղտոտումից մաքրելու խնդիրը:

Հրաչիկ ԱՎԱԳՅԱՆ
Երկրահանքաբանական
գիտությունների դոկտոր
(Շարունակելի)

ԶԱՐԿԵՐԱԿ. ՍԵՎԱՆԻ ՊԱՀՊԱՆՈՒԹՅԱՆ ՄՏԱՀՈԳՈՒԹՅԱՄԲ

Իչպես արդեն տեղեկացրել ենք, ՀՀ ԳԱԱ նախագահությունը հերթական նիստում լսեց Հիդրոէկոլոգիայի և ձկնաբանության ինստիտուտի հաշվետվությունը 2000 – 2001թթ. գիտական, գիտակազմակերպական գործունեության մասին (գեկուցողներ՝ ինստիտուտի տնօրեն Ռ.Հովհաննիսյան, ԳԱԱ թղթակից անդամ Ս.Մայրապետյան): Ծավալված մտքերի շահագրգիռ և սրտացավ քննարկումը ըստ էության տազանայ և անհանգստություն էր Սևանի, նրան սպառնացող վտանգի և ճակատագրի նկատմամբ: Ստորև ներկայացվող ՀՀ ԳԱԱ նախագահության ընդունած որոշումը լուրջ մտահոգություն է Սևանա լճի, նրա ջրահավաք ավազանի տազանայի վիճակի և Սևանի փրկությանը միտված կոնկրետ քայլերի և անելիքների մասին:

ՀՀ ԳԱԱ նախագահությունը հավանություն տալով Հիդրոէկոլոգիայի և ձկնաբանության ինստիտուտի գիտական, գիտակազմակերպական գործունեությանը, միաժամանակ հանձնարարեց.

– Կազմակերպել Սևանի լիմնոհամակարգի հիդրոլոգիական, հիդրոֆիզիկական, հիդրոքիմիական և հիդրոկենսաբանական չափանիշների կանոնավոր ստացիոնար մոնիտորինգային արդյունքների վերլուծության և ինֆորմացիայի հաղորդման կենտրոն՝ հիդրոհամակարգերի էվոլյուցիոն և ադապտացիոն մեխանիզմները բացահայտելու, կենսաբազմազանությանը սպառնացող վտանգները կանխագուշակելու և կանխելու նպատակով:

– Ստորերկրյա և մակերևութային ջրերից կենսածին տարրերի, տոքսիկ և ադապտացիոն կենսաբանական ֆիլտրացիային և գերխոնավ կենսաերկրացենոզներին յուրահատուկ ֆաունայի և ֆլորայի վերականգնման նպատակով ՀՀ ԳԱԱ Բուսաբանության ինստիտուտի հետ համատեղ մշակել Սևանա լճի և նրա մեջ թափվող գետերի ափերի ողջ երկարությամբ (առնվազն 100 – 200 մ լայնությամբ) սանիտար-ջրապահպանական անտառային գոտի ստեղծելու միջոցառումների ծրագիր:

ՀՀ ԳԱԱ նախագահությունը միաժամանակ դիմեց ՀՀ կառավարությանը՝ հետևյալ առաջարկներով.

– Հաշվի առնելով Սևանա լճի կարևորությունը Հայաստանի Հանրապետության սոցիալ-տնտեսական զարգացման գործում, կարևորելով լճի կանոնա-

վոր գիտական հետազոտությունների անհրաժեշտությունը և Սևանի հիմնախնդրի վրա ուշադրություն կենտրոնացնելու նպատակով, ՀՀ ԳԱԱ Հիդրոէկոլոգիայի և ձկնաբանության ինստիտուտը վերանվանել *ՀՀ ԳԱԱ «Սևանա լճի հիդրոէկոլոգիական պրոբլեմների ինստիտուտ»-ի*:

– Սևանա լճում գիտական հետազոտությունները ժամանակին կատարելու և կանոնավոր մոնիտորինգային վերահսկողություն իրականացնելու համար 2003թ. ինստիտուտին հատկացնել նպատակային, ինչպես նաև բազային ֆինանսավորում:

– Առաջնահերթ համարել Գավառ, Մարտունի և Վարդենիս քաղաքների կոյուղացումը և նշված քաղաքների ելքում ժամանակակից մաքրման համալիրների շինարարությունը՝ նախնական, կենսաբանական և քիմիական ենթահամակարգերով: Իրականացնել մաքրման համալիրների ելքաջրերի բնական կրկնամաքրում արհեստական (արբանյակ) ջրամբարներում կամ լճակներում, որից հետո միայն այդ ջրերը թափել գետերը կամ էլ օգտագործել ավազանի ժողովրդական տնտեսության այլ ճյուղերում, ի հաշիվ լճից կամ գետից վերցվող ջրաքանակի:

– Գյուղատնտեսական, էներգետիկ և այլ նպատակներով Սևանա լճի և նրա ջրհավաք ավազանի բնական ռեսուրսների (հատկապես ջրային և ձկնային) օգտագործումից առաջացած եկամուտները հատուկ հաշվեհամարով նպատակաուղղել Սևանա լճի էկոլոգիական հավասարակշռության վերականգնման, բնական ռեսուրսների պահպանման,

վերարտադրման և ռացիոնալ օգտագործման միջոցառումների իրականացման համար:

– Սևանա լճից ոռոգման համար ջրառը պակասեցնելու նպատակով հանրապետությունում իրականացնել շուրջ 2,5 մլրդ. խորանարդ մետր ընդհանուր ծավալով, նոր և արդեն սկսած ջրատնտեսական օբյեկտների և փոքր ջրամբարների կառուցման ու ավարտման շինարարական աշխատանքներ:

– Մարզում իրականացնել ոռոգման ցանցի վերակառուցում և մշակել ոռոգման արդյունավետ մեթոդներ, որոնք կբացառեն Սևանի ավազանի հողերի էռոզիան: Հնարավորին չափ բարձրացնել ոռոգման օգտակար գործողության գործակիցը:

– Վերանայել Սևանա լճի, Կեչուտ և Սպանդարյան ջրամբարների, Արփա և Որոտան գետերի ավազաններում հանքային պարարտանյութերի օգտագործման տեխնոլոգիան և առաջնություն տալ պարարտանյութերի այն տեսակներին, որոնք բնութագրվում են ելքի մեծությամբ և լուծելիության ամենացածր գործակիցներով: Հնարավորին սահմանափակել պարարտանյութերի օգտագործումը Սևանա լճի ավազանում:

– Մշակել և ներդնել հողապաշտպան ցանքատարածություններ, ըստ ավազանի էկոլոգո-էկոնոմիկական և տնտեսական շրջանների: Ստեղծել հակաէռոզիոն և հակասողանքային անտառաշերտերի համակարգ:

– Սևանի ողջ ավազանում մանր եղջերավոր անասունների գերծանրաբեռնվածության և բնական կերային հանդակների ոչ նպատակային օգտագործման

հետևանքով առաջացած հողային էռոզիան կանխելու համար անցկացնել խոշոր և մանր եղջերավոր անասունների գլխաքանակի հարաբերության գիտականորեն հիմնավորված վերակառուցում:

– Հանձնարարել ՀՀ Բնապահպանության նախարարությանը կատարել Սևանա լճի արդյունագործական ձկնատեսակների և խեցգետնի պաշարների գնահատում և լճից հիդրոբիոտների արդյունահանումը իրականացնել միայն գիտական հիմնավորմամբ:


– Սևանա լճի ձկնային պաշարների վերականգնման նպատակով վերանայել ձկնաբուծարանների հնարավորությունները և ստեղծել տնտեսական մեխանիզմներ՝ նրանց նպատակային գործունեությունը ապահովելու համար:

– Պետական և մասնավոր գյուղատնտեսական հողահանդակների ոռոգումն ու ժողովրդական տնտեսության տարբեր բնագավառներում տեխնիկական ջրամատակարարումն իրականացնել անմիջապես լճից՝ խստորեն արգելելով այդ նպատակներով օգտագործել հիմնական ձվադրավայր հանդիսացող գետերն ու նրանց աղբյուրները:

– Ձվադրավայր հանդիսացող գետերի վրա, ինչպես նաև լճում ձկների ձվադրման տեղերին մոտ բացառել հիդրոտեխնիկական կառույցների և այլ օբյեկտների կառուցումը՝ բացառությամբ բնապահպանական կառույցների, որոնք ունեն անհրաժեշտ էկոլոգիական հիմնավորումներ:

– Արգելել գետերի հունների առանձին հատվածների փոփոխումը, որը հանգեցնում է գետի ջրի հոսքի արագության մեծացմանը՝ հեղեղելով ձկնկիթը, հիդրոբիոտներին և մանրաձկներին:

– ՀՀ ֆինանսների և էկոնոմիկայի նախարարությանը ապահովել կառավարության 1999թ. ապրիլի 22-ի հ.261 որոշման 8-րդ կետի կատարումը, որը պարտավորեցնում էր ՀՀ կրթության և գիտության նախարարությանը և ՀՀ ԳԱԱ-ին ֆինանսավորել 1999 – 2000թթ. նախատեսված *«Սևանա լճի և դրա մեջ թափվող գետերի էկոլոգիական վիճակի գնահատման ու դրանց ջրերի որակի բարելավման միջոցառումների, էկոլոգիական փոփոխությունների կանխատեսման մեթոդների մշակում»* և *«Սևանա լճի ձկնային համակարգի էկոլոգա-կենսաբանական փոփոխությունների օրինաչափությունների բացահայտում»* ուսումնասիրությունների համար:



ՀԱՅՈՑ ՑԵՂԱՍՊԱՆՈՒԹՅԱՆ ՄԱՍԻՆ՝ ԱՆՔԼԵՐԵՆ

THE ARMENIAN GENOCIDE ARMENOCIDE

Հայաստանի գիտությունների ազգային ակադեմիայի արևելագիտության ինստիտուտն անգլերենով հրատարակել է ինստիտուտի տնօրեն, պատմական գիտությունների դոկտոր, պրոֆեսոր Նիկոլայ Հովհաննիսյանի «Հայոց ցեղասպանությունը. Հայաստանություն» (The Armenian Genocide. Armenocide) արժեքավոր աշխատությունը, որը նոր խոսք է այդ բնագավառում: Առաջին անգամ հայոց պետականության

գոյության ժամանակաշրջանում 1918 – 2002թթ., Հայաստանում օտար լեզվով հրատարակվում է ուսումնասիրություն՝ նվիրված մեր պատմության ամենաեղերական ժամանակահատվածին: Տարօրինակ է, բայց փաստ է: Նման աշխատության պահանջը վաղուց էր հասունացել: Վաղուց անհրաժեշտություն կար օտար ընթերցողին ներկայացնել հայոց ցեղասպանությանը նվիրված մի ուսումնասիրություն, որը գիտական անաչառությամբ և տարալեզու սկզբնաղբյուրների հիման վրա պարզաբաներ այդ հիմնահարցը, հայոց ցեղասպանության պատճառները, այն իրագործած երիտթուրքական ղեկավարության նպատակները և դրա հետևանքները ինչպես հայ ժողովրդի, այնպես էլ համայն մարդկության համար: Պրոֆեսոր Ն.Հովհաննիսյանի մենագրու-

թյունը գալիս է լրացնելու այդ բացը, և այն, անկասկած, իր կարևոր դերը կկատարի թուրքական իշխանությունների և նրանց քաղաքականությունը պաշտպանող պատմաբանների կողմից հայոց ցեղասպանության հարցերը աղավաղելու և կեղծելու սնանկությունը բացահայտելու գործում:

Ուսումնասիրությունը գրված է ոչ ավանդական մեթոդով: Այն շարադրված է գիտական մոր ուղղության՝ ցեղասպանագիտության, հայեցակարգի շրջանակներում և նրա հիմնադրույթների լույսի ներքո, որը նոր հնարավորություններ է ընձեռում հետազոտողին և նոր հեռանկարներ բացում հայոց ցեղասպանության խորքային ուսումնասիրության առջև: Դա Ն.հովհաննիսյանի աշխատության կարևոր առանձնահատկություններից մեկն է:

Մյուս ուշագրավ առանձնահատկությունն այն է, որ հեղինակը XIX դարի վերջերի – XX դարի սկզբների Օսմանյան կայսրությունը համարելով ցեղասպան պետություն, հայոց ցեղասպանության հարցերը դիտարկում է «ցեղասպան պետության» հայեցակարգի տեսանկյունից:

Սույն աշխատության կարևոր նորամուծություններից է համեմատական գլոբալիզացիայի անցկացումը հայոց ցեղասպանության և հրեական հոլոկոստի ողջակիզման, միջև, և Հայաստանություն՝ «Արմենոցիդ», եզրի հիմնավորումը և լայնորեն շրջանառության մեջ դնելը:

Աշխատությունը խմբագրել է ՀՀ ԳԱԱ ակադեմիկոս Վ.Բ.Բարխուդարյանը:

Աշխատությունը հրատարակչական բարձր որակով և հիմնախնդրին վայել զուսպ ձևավորումով իրականացրել է «Ձանգակ-97» հրատարակչությունը:

ԱԼԵՔՍԱՆԴԻ ԳՐԻԲՈՅԵՒՈՎԸ ԲԱՑԱՌԻԿ ԱՆՀԱՏԱԿԱՆՈՒԹՅՈՒՆ

«Բեզ, ռուսական մտքի հսկա,
Սեր սրտերն ենք նվիրում քեզ,
Պոլ, հիրավի բարի հանճար,
Եվ, անտարակույս մարգարե...»
Ա.ԱՐԾՐՈՒՆԻ

1999 թվականին Մոսկվայում լույս տեսավ «Ա.Ա.Գրիբոյեդովը որպես պատմության և մշակույթի երևույթ» գիրքը: Ամենահին ոչ պատահաբար գիրքը հրապարակ եկավ այն օրերին, երբ լրանում էր Պարսկաստանում ռուս մեծ դիվանագետի, պոետի և կոմպոզիտորի գազանային սպանության 170 տարին: Գրքում բավական շատ են գրական հայտնությունները, որոնք հետաքրքիր են ընթերցող լայն շրջանակների և գրականագետների համար: Այսպես, օրինակ, գրքում առաջին անգամ տպագրվել է անհայտ գեղանկարչի կողմից արված Գրիբոյեդովի դիմանկարը (Ն.Ի.Ուտկինի բնօրինակից): Դիմանկարի տակ կա նկարչի ձեռքով գրված մակագրություն. «Ծնվել է 1792թ., սպանված է 1829թ.):

Այս մակագրությունը մեզ իրավունք է տալիս վերանայելու Ա.Ա. Գրիբոյեդովի ծննդյան թվականը: Մինչ այդ ընդունված էր, որ Գրիբոյեդովը ծնվել է 1896 թվականին, որը, մեր համոզմամբ, սխալ էր: Եվ եթե մենք վերանայում ենք այդ թիվը, այսինքն ընդունում ենք 1792 թվականը, բնական ու հասկանալի է դառնում Գրիբոյեդովի Մոսկվայի համալսարան ընդունվելու տարիքը. ոչ թե 11 տարեկանում, ինչպես ներկայացվում էր մինչև օրս, այլ 14 տարեկանում (հունվար, 1806թ.): Այս ճշտումը բացատրում է նաև նրա կյանքի կարևոր իրադարձությունները՝ մյուս կարևոր թվականները: Հետաքրքրական է նաև այն հանգամանքը, որ սույն ճշտումով նրա կյանքի տևողությունը դառնում է ճակատագրական 37 տարի: Սա զարմանալիորեն համընկնում է Ա.Ա.Պուշկինի ապրած տարիների հետ (37 տ.): Մի բան, որ ստիպում է մտածել Ռուսաստանի երկու մեծ գավազների ճակատագրերի կանխորոշված լինելու մասին:

Նկատի առնելով Ա.Ա.Գրիբոյեդովի ծննդյան ճշտված թվականը (1792թ.), մենք հնարավորություն ունենք այս տարի արժանին մատուցել Գրիբոյեդովի հիշատակին, նշել 210-ամյակը այն մարդու, որ հանուն մարդասիրական գաղափարների գիտակցաբար զոհեց իր կյանքը:

Ոչ մեկի համար գաղտնիք չէ, որ Գրիբոյեդովը զարմանալի օժտված անհատականություն էր. լայն հասարակությանը նա հայտնի է որպես պոետ՝ հանճարեղ «խելքից պատուհաս» չափածո կատակերգության հեղինակ: Գրականագիտական առումով չափազանց ճիշտ է բնութագրված հանճարեղ: Դա Գրիբոյեդովի ստեղծագործության ճշմարիտ բնութագիրն է: Գրիբոյեդովի ստեղծագործության ֆրանսիացի հետազոտող Ժ.Բոնամուրի կարծիքով, «խելքից պատուհաս» կատակերգությունը «ընթերցող լայն շրջանների մեջ ունեցած

հաջողությամբ իր տեսակի մեջ բացառիկ է»: Բավական է նշել, որ արդեն 1831 թվականին, ինչպես վկայում է Պետերբուրգի ուսումնական օկրուգի հոգաբարձու Կ. Բորոգինը, Ռուսաստանով մեկ տարածված էին Գրիբոյեդովի ստեղծագործությունների 40 հազար ձեռագրեր:

Սակայն Գրիբոյեդովը ոչ միայն տաղանդավոր պոետ էր ու դիվանագետ, այլև երաժիշտ ու կատարող, կոմպոզիտոր, եզոթերիկ (գաղտնի, ծածուկ) ուսմունքների նուրբ և խորը գիտակ: Ամենայն հավանականությամբ հենց աստղագուշակության և արևելյան գաղտնի ուսմունքների իմացությունը օգնեցին նրան պատրաստելու «Թուրքմենչայի խաղաղության պայմանագիրը» Ռուսաստանի և Պարսկաստանի միջև, որը ստորագրվեց 1828 թվականի փետրվարի 13-ի ճիշտ կեսգիշերին: Այդ ժամը պարսիկ աստղագուշակների կողմից դիտվել էր որպես ամենաբարենպաստ ժամանակը պայմանագրի հաստատում լինելու համար: Եվ, իսկապես, պայմանագրի ստորագրումից անցել է ավելի քան 170 տարի, և Ռուսաստանն ու Պարսկաստանը այդ ընթացքում երբեք չեն պատերազմել:

Եվ հենց սրանում է դրսևորվել Գրիբոյեդովյան հանճարը, մարգարեի հանճարը, որ կանխագուշակում էր գալիքը:

Պետք է ընդգծել, որ հենց Թուրքմենչայի պայմանագիրը դարձավ հայկական երկու պետական ինքնավար կազմավորումների վերածննդի հիմքը՝ հանձնաժողովի և Նախիջևանի նահանգների: Այդ երկու նահանգները տարածքային առումով գերազանցում են այսօրվա Հայկական Հանրապետության տարածքը: Ուրեմն և կարող ենք արձանագրել, որ 14 – 15 դարերի սահմանագծում կորցրած հայկական պետականության վերականգնումը, ամտարակույս, կապված է նաև Ալեքսանդր Գրիբոյեդովի անձի հետ: Մի հանգամանք, որ այդ անունը անմոռաց է դարձնում հայ ժողովրդի երախտագետ հիշողության մեջ:

Գրիբոյեդովի մարգարեական հանճարը «խելքից պատուհասում» կանխագուշակեց նաև կայսեր կողմից ռուս նշանավոր փիլիսոփա Չապաևին (Չապկո Նախատիպը) խելագար հորոգործելու մեղադրանքը: Հիրավի, «խելքից պատուհասը» կատակերգություն չէ, այլ բլրո ժամանակների և ժողովուրդների դրաման, երբ մարդկանց ճշմարտության լույս բերող հանճարներին հռչակում են խելագարներ, ծանակում են ու հալածում:

Գրիբոյեդովի բազմակողմանի և փայլուն գիտելիքները զարմացնում էին անգամ նրա նշանավոր ժամանակակիցներին: Պուշկինի վկայությամբ «միայն մի քանի մոտիկներ գիտեին նրա (Գրիբոյեդովի) արժեքը, և նրանք էին միայն նկատում մյուսների թերահավատ, ապուշ և քստմենլի ժպիտը, երբ առիթ էր լինում խոսել Գրիբոյեդով արտասովոր մարդու մասին»: Գրիբոյեդովին իմացող ժամանակակիցները

հարազատի պես էին վերաբերվում նրան: Բոլորն էլ միակամ էին այն հարցում, որ իրենց մտերիմը չափազանց սուր մտքի և հնարավորությունների տեր անհատականություն է: Հետագայում Պուշկինը պետք է ասեր. «Ինչքան ափսոս է, որ Գրիբոյեդովը չթողեց իր գրառումները: Նրա կենսագրությունը վիճակված էր գրել նրա ընկերներին, սակայն նշանավոր մարդիկ մեզ մոտ անհետանում են՝ իրենց մասին չթողնելով ոչ մի հետք»:

Իհարկե, այսօր, Ա.Ա. Գրիբոյեդովի մահվանից 170 տարի անց, մենք նրա մասին ավելի շատ գիտենք, քան նրա ժամանակակիցները, սակայն հետաքրքրությունը այդ բացառիկ անհատականության՝ որպես մարդկության պատմության և մշակույթի երևույթի, գնալով աճում է: Դրա վկայությունն է նաև վերջերս հրապարակ իջած Արտեմիսի «Անձ հումանիստը» 4 գործողությամբ դրաման: Ստեղծագործության մեջ ընդգրկված են Ալեքսանդր Գրիբոյեդովի և նրա կնոջ՝ Նինայի (վրաց նշանավոր պոետ և գրող Ալեքսանդր Ծավճավաձեի դստեր) վերջին ամիսների համատեղ կյանքի իրադարձությունները: Նինայի հուշերից մենք պետք է տեղեկանանք, որ Գրիբոյեդովը ինչ-որ առիթով ասել է. «Ով ոտնձգություն կանի ռուսական հողերի նկատմամբ, նա իրեն կարժանացնի Նապոլեոնի բախտին»: Սա նույնպես Գրիբոյեդովի մարգարեությունն է, որ ապացուցվել է Ռուսաստանի պատմությամբ:

Վերջ նշված պիեսում մեծ խորությամբ տրված են Գրիբոյեդովի ապրումները, որը նախապես գիտեր, որ Պարսկաստանից ողջ չի վերադառնա: Այդ մասին նա ասել էր Պուշկինին հրաժեշտ տալիս և երկու անգամ իր տասնվեցամյա կնոջը, երբ ճանապարհվում էր Պարսկաստան: Ըստ որում, նա թախանձազին խնդրել է Նինային իր մահից հետո իր դաշույնը նվիրել արժանավոր մի անձնավորության և ամուսնանալ նրա հետ: Գրիբոյեդովի մեծ և գիտակցված զոհաբերության թեման արժաթե թելի պես անցնում է ամբողջ դրամայով: Պիեսում շատ հետաքրքիր է ներկայացված ժամանակի նշանավոր մարդկանց ճակատագրերի խաչաձևումը: Բավական համոզիչ է սյուժետային այն գիծը, երբ Գրիբոյեդովի նահատակվելուց հետո երևան է գալիս Ա.Յու. Լերմոնտովի Նինա Ծավճավաձեի նկատմամբ տածած սիրո դրաման: Կա վարկած, որ Լերմոնտովը Նինային սիրահարված է եղել դեռ 10 տարեկանից: Այդիմանալուց 7 տարի հետո Լերմոնտովը ամուսնության առաջարկ է անում Նինային: Նինան մերժում է, սակայն կատարելով ամուսնու կամքը (արժանավայել անձնավորության նվիրել իր դաշույնը), Գրիբոյեդովի դաշույնը նվիրում է Լերմոնտովին: Նինան քաջ գիտեր, որ դառնալ Լերմոնտովի կինը պատիվ է յուրաքանչյուր աշխարհիկ տիկնոջ համար: Սակայն հրաժարվում է այդ բախտից՝ հավատարիմ մնալով իր մեծ ամուսնու հիշատակին:

տակին՝ մինչև իր կարճատև կյանքի վերջը: Դրամայում բացահայտվում է ևս մի գաղտնիք, որ անորոշ էր մինչև վերջերս: Պարզվում է, Ալեքսանդր Գրիբոյեդովը, Յուրի Լերմոնտովը և Նինա Ծավճավաձեն ազգակցական կապ են ունեցել միմյանց հետ:

Նինայի կերպարը որոշակի տեղ ունի Լերմոնտովի ստեղծագործության մեջ: Սակայն Լերմոնտովը միշտ խնամքով թաքցրել է իր զգացումները, որովհետև այդ հարցում անկարող էր մրցակցել մեծն Գրիբոյեդովի հետ: Այսպես, օրինակ, 1829 թվականին Լերմոնտովը թարգմանում է Շիլլերի «Էմմային» բնաստեղծությունը, սակայն այն վերնագրում է «Նինային»: Բանաստեղծությունը բողոք է բախտից՝ սիրած էական կորցնելու համար: Ամենայն հավանականությամբ Շիլլերի «Էմմային» բանաստեղծությունը համահունչ էր Լերմոնտովի սիրային տվյալամբներին (Նինայի ամուսնությունը Ալեքսանդր Գրիբոյեդովի հետ):

Ընդունելով Նինայի ընծայած դաշույնը, Լերմոնտովը պատասխանում է «Դաշույն» հայտնի բանաստեղծությամբ: Գրիբոյեդովի դաշույնի դաստակին եղել է մակագրություն. «Ամուր եղիր հոգով»: Հիմքեր կան պնդելու, որ Լերմոնտովի հոգեկան ապրումները՝ կապված Նինայի նկատմամբ տածած սիրո հետ, իրենց արտահայտություն են գտել նաև Լերմոնտովի հասուն շրջանի լիրիկայում: Ինչպես, որ Նինա Ծավճավաձե – Միխայիլ Լերմոնտով թեման դեռ կգտնի իր հետագուտղին:

Վերադառնալով Ալեքսանդր Գրիբոյեդովին, պետք է նշել, որ մեծանուն մտածողը իր ստեղծագործության մեջ արտահայտել է համաշխարհային մշակույթի լավագույն նվաճումները՝ ընդհուպ մինչև երաժշտությունը, գեղանկարչությունը, թատրոնը: Ունենալով բացառիկ հիշողություն, կատարելապես տիրապետելով եվրոպական և արևելյան մի շարք լեզուների, գրողը անպարփակ իմացություններ ուներ Արևմտյան և Արևելյան գրականությունների, ինչպես նաև անտիկ արվեստի բնագավառներում: Այն բոլոր լավ ու առաջավորը, որ նա գտնում էր համաշխարհային և ազգային մշակույթների ոլորտում, ընդունում էր իր ստեղծագործական գինանոցը և օգտագործում կատարելագործելու իր վարպետությունը:

Ալեքսանդր Սերգեևիչ Գրիբոյեդովը հեռացավ կյանքից՝ չապառած իր փայլուն միտքը և վիթխարի տաղանդը: Նա երազում էր ողջ կյանքը նվիրել պոեզիային, երաժշտությանը, թատրոնին, արվեստին՝ ընդհանրապես, սակայն որպես պետական այդ, հարկադրված եղավ մնալ պետական ծառայության մեջ և նահատակվեց սև ամբոխի ձեռքով:

Ա.Ա. ԽԱՉԱՏՐՅԱՆ

Փիլիսոփայական
գիտությունների թեկնածու
Մոսկվա

ՆՈՐԻ՞Ց ՀԱՅԿԱԿԱՆ ՀԱՐՑ

Միավորված ազգերի կազմակերպությունը իր պաշտոնական սայտում Լեռնային Ղարաբաղը ճանաչել է Հայաստանի մաս: Ինչպես հաղորդում է աղբյուրը՝ ջանական AHC հեռուստաալիքը, այդ սայտի «Մարդու իրավունքների պաշտպանությունը» բաժնում Լեռնային Ղարաբաղը բնութագրվում է որպես Հայաստանի Հանրապետության մաս: Պաշտոնական Բաքու ի հույս է հայտնել, որ կատարվածը ընդամենը ՄԱԿ-ի սայտի օպերատորների տեխնիկական սխալն է:

ԱՆՀԵՌԱՏԵՍ ՈՐՈՇՈՒՄ

Կրասնոդարի երկրամասի օրենսդրական ժողովը ընդունեց նահանգապետ Ալեքսանդր Տկաչովի խոստացած «Միգրացիոն վերահսկողությունը ուժեղացնելու մասին» օրենքը: Այդ օրենքի

համաձայն միլիցիայի առջև խնդիր է դրված ստեղծել «արտաքսող» հենակետեր և արտաքսման ենթակառուցվածքներ ուղեկցային ծառայություն: Միավորված Ազգերի կազմակերպության փախստականների գծով Գերագույն կոմիսարի հանձնախումբը և շատ ուրիշ միջազգային ու տեղական իրավապաշտպան կազմակերպություններ Կրասնոդարի երկրամասի իշխանությունների կողմից ծրագրվող բռնամիջոցները խստագույնս դատապարտել են՝ որակելով այն որպես «մարդու իրավունքների ոտնահարում»:

Արդյոք Ռուսաստանյան Ղաշնության նահանգապետը իրեն այդ քայլով չի կրկնում պատմությանը հայտնի այն գործիչներին, ովքեր զբաղվում էին «ռասայի մաքրության» հարցերով: Թե՛ նա չգիտի, որ մեր և մյուս հանրապետություններից բնակչության արտագաղթի

հիմնական պատճառը «сложная на веку белая русь»-ն էր, որը 1917 – 20 թվականներին մեզ թողեց մենակ գիշատիչ թուրքիայի դեմ հանդիման, հիմա էլ սևծովյան տարածքներն են մաքրում հայերից: Թե՛ պարոն նահանգապետը և նրան սույն որոշումը հուշողները չգիտեն, որ Կուբանի, Կրասնոդարի, Ստավրոպոլի տարածքների զարգացմանը մեծապես նպաստել են նույն հայերը, որոնք երկու հարյուրամյակ է ապրում են այդ տարածքներում և իրենց քրտինքը խառնելով ռուս եղբայրների քրտինքին, շենացրել են հողը, այն հողը, որ ներկված է նաև հայերի արյունով: Եթե պարոն նահանգապետը չգիտի պատմության անցուդարձերը և հայերի նկատմամբ ընդունում է նման անհեռախոս որոշում, դեռ ուշ չէ, կարող է պատմության դասեր առնել իր տարածքում ապրող ռուս և հայ բնակչությունից:

Ժողովուրդը պատմությունը չի մոռանում:

* * *

Դոմոր երկրները ՄԱԿ-ի միջազգային կոնֆերանսում հայտարարել են աղքատ երկրներին ցույց տրվող օգնությունը մեծացնելու մասին՝ այդ օգնությունը ավելի նպատակային և արդյունավետ օգտագործելու պայմանով: Ինչպես մեկնաբանել է Հայաստանի Հանրապետության ֆինանսների նախարար Վարդան Խաչատրյանը, ԱՄՆ-ը պատրաստ է առաջիկա երեք տարում «Աղքատության դեմ պայքարի» ծրագրին հատկացնել 10 միլիարդ դոլար, իսկ Եվրամիությունը՝ 20 միլիարդ դոլար (մինչև 2006 թվականը):

Չմոռանանք փաստել, որ Հայաստանի ազգաբնակչության 55 տոկոսը գտնվում է աղքատության սահմանագծից այն կողմ:

Միայն կլինի ասել, թե Հռոմում անտիկ շրջանի հուշարձաններ չառ կան, քանզի ինքը քաղաքը մի ամբողջական հուշարձան է ու այդ հուշարձանների մեջ աչքի է ընկնում այս մեկը՝ քաղաքի հին ջրմուղ-ջրատարը: Այն հիացմունք է պատճառում ոչ միայն ջրի մաքրությամբ, այլև ահա այս հին հուշարձաններով: Եվ քանզի քաղաքը, իրոք, հին ու նորի մի միասնական հուշարձան է, ամեն մարդ ցանկանում է այն տեսնել նորից ու նորից: Դրա համար մեծ ծախսեր «պետք չեն»: Բավական է մեկ անգամ այցելելիս մետաղադրամ նետես այս շատրվաններից գոյացած ջրավազանը ու դու «անպայման նորից կայցելես» Հռոմ: Իսկ դա հրաշալի է...



Սաղազակարի բնակչության հիմնական զբաղմունքը ձկնորսությունն է ու փորր առևտուրը: Կղզու տար ծովափերը և կարմրավուն գետերը հարուստ են ձկներով, իսկ ճամփեզրերն ու հրապարակները պարզապես շուկաներ են, որտեղ վաճառվում է ամեն ինչ: Երկրի միակ երկաթուղու ամբողջ երկարությամբ նույնպես շուկա է, մանր-պտղաբանքարավաճառների շուկա:

ԱՅԼՄՈՒՈՐԱԿԱՅԻՆՆԵՐԻ ԳԱՎԱԴՐՈՒԹՅՈՒՆԸ.

ԵՎՍ ՄԻ ՎԱՐԿԱԾ ՔԵՆԵԴՈՒ ՍՊԱՆՈՒԹՅԱՆ ՄԱՍԻՆ

Եվ այսպես, օդային աղետի զոհ դարձավ Ամերիկայի Միացյալ Նահանգների 35-րդ պրեզիդենտ, 1963-ին դավադրության զոհ դարձած Ջոն Ֆիցջերալդ Բենեդիկտ 38-ամյա որդին՝ կրտսեր Ջոն Բենեդիկտ: Նրա հետ զոհվեցին կինը և քույրը: Ջոն Բենեդիկտ վիճակված էր դառնալու ԱՄՆ-ի մեծագույն պրեզիդենտներից մեկը և նա ուներ բոլոր արժանիքները այդպիսին լինելու համար: Սակայն ինչ-որ ուժերի համար անցանկալի և անընդունելի էր նրա պահվածքը, և նա սպանվեց: Այսօր արդեն Ջոն Բենեդիկտ ընտանիքից այլևս ոչ ոք չկա:

Դատություն դարձավ Բենեդիկտների տոհմին պատուհասած մի ծանր ողբերգություն ևս. ի՞նչ է սա ճակատագիր, թե խորհրդավոր ու անհայտ մի ուժ, որ ահա քանի տասնամյակ պատուհասել է այս ընտանիքին, և առեղծվածային հանգամանքներում, անբնական մահով կտրվում է նրա անդամների կյանքի թելը: Այս առեղծված-հանելուկը հասկանալու և բացատրելու բազում և բազում փորձեր են եղել:

Միացյալ Նահանգների պատմության մեջ ամենաերիտասարդ պրեզիդենտ Ջոն Ֆիցջերալդ Բենեդիկտ սպանությունը մինչև օրս բացահայտված չէ: Եվ սա երևի զարմանալի չէ:

Առեղծվածային հանգամանքներում հանդերձյալ աշխարհ գնացին ոչ միայն զոհը՝ Միացյալ Նահանգների պատմության մեջ ամենաերիտասարդ պրեզիդենտ Ջոն Բենեդիկտ, այլև մարդասպանը, հետո մարդասպանի մարդասպանը և բազում ուրիշ ակամատեսներ ու վկաներ, որոնք կարող էին լույս սփռել այդ ողբերգության հանգամանքների վրա:

Անցած տասնամյակների ընթացքում բազմաթիվ վարկածներ են առաջ քաշվել Ջոն Բենեդիկտ սպանության պատճառների ու շարժառիթների, դավադրության կազմակերպիչների և իրագործողների վերաբերյալ:

Այսօր արդեն շրջանառության մեջ է մի նոր վարկած, որն առաջին հայացքից թվում է ֆանտաստիկ ու պարզապես անհավանական: Այս վարկածի հեղինակ Ուիլյամ Կուպերը, որը չբացառելով մինչ այդ տարածված վարկածների հավանականությունը, գտնում է, թե Ջոն Բենեդիկտ սպանության ամենակարևոր պատճառն այն է, որ պրեզիդենտը բացահայտել էր ԱՄՆ-ի կառավարող վերնախավի կապը այնուհետև կալիֆոռնիայի հետ և պատրաստվում էր այդ մասին տեղյակ պահել ամերիկյան ժողովրդին:

Ուիլյամ Կուպերը գրում է.

«Ելզենհաուսերը վերջին պրեզիդենտն էր, որ լրիվ տիրապետում էր այնուհետև կալիֆոռնիայի հետ կապված իրադրությանը: Նրան հաջորդած պրեզիդենտներին հաղորդվում էր միայն այն, ինչ հույժ գաղտնի «Մաժեստիկ-12» ծառայությունը և հետախուզությունը անհրաժեշտ էին համարում տեղեկացնել: Ըստ որում, հավատացե՛ք ինձ, այդ տեղեկությունները, որ հաղորդվում էին պրեզիդենտին, երբեմն շատ-շատ հեռու էին ճշմարտությունից: «Մաժեստիկ - 12»-ը ամեն նոր պրեզիդենտի հրամցնում էր մի հեքիաթ այլ-մոլորակայինների կործանված քաղաքակրթության, եկվորների վերածնունդի

ցանկության մասին, որոնք մեր մոլորակի վրա ուզում են կառուցել իրենց նոր տունը: Սրա դիմաց նրանք կհատուցեն բարձր տեխնոլոգիաներով: Եվ ամեն մի նոր պրեզիդենտ հավատում էր այս հեքիաթին»:

Ինչպես երևում է հավատացողներից մեկն էլ եղել է Ջոն Բենեդիկտ: Սակայն իր բարձր պաշտոնի հնարավորության սահմաններում ծանոթանալով «Մաժեստիկ-12» խմբի գործունեության որոշ կողմերին, նա, Կուպերի կարծիքով, ինչ-որ չափով իր համար պարզեց ճշմարտությունը եկվորների մասին, ինչպես նաև այն, որ այլ-մոլորակայինների հետ իրականացվող նախագծերում կառավարող վերնախավը օգտագործում է նարկոթիկոսից ստացված եկամուտներ: Կուպերը գտնում է, որ 1963-ին Ջոն Բենեդիկտ վերջնագիր է հղել «Մաժեստիկ-12»-ի անդամներին քննադատողների բիզնեսին վերջ տալու պատահով: Բացի այդ, Բենեդիկտ հաղորդել է նրանց, որ մտադիր է մինչև տարեվերջ ամերիկացիներին Տեղեկացնել երկրի վրա այլմոլորակային ներկայության մասին:

Կուպերի այս տեսակետին են նաև ուրիշ հայտնի մարդիկ: Այսպես, այլմոլորակային քաղաքակրթությունների հետ մարդկության շփումների մասին մի քանի գրքերի հեղինակ Բոբ Ֆրիմելը ուշադրություն է հրավիրում Կոլումբիական համալսարանում, իր ողբերգական մահից 10 օր առաջ Բենեդիկտ արտասանած խոսքերի վրա: Ի դեպ, այդ խոսքերն այն ժամանակ տարակուսանք հարուցեցին շատերի մեջ. «Պրեզիդենտական պաշտոնը օգտագործվել է դավադրություն նյութելու ամերիկյան ժողովրդի դեմ: Եվ ես մինչև այս պաշտոնը թողնելը, պարտավոր եմ Ամերիկայի քաղաքացիներին տեղեկացնել իրենց դրության մասին»:

Ի՞նչ էր ուզում ասել Ջոն Բենեդիկտ իր երկրի քաղաքացիներին: Ամերիկացի պրոֆեսոր Լուրենս Մերիկը «Դեսպանի սպանությունը. Ջոն Բենեդիկտ մահը» գրքում, որ լույս է տեսել 7 տարի առաջ, պնդում է, որ խորհրդակցելով ՉԽՕ-ների գծով լավատեղյակ, նախկին պրեզիդենտ Էյզենհաուսերի և իր եղբոր՝ Ռոբերտ Բենեդիկտի հետ, Ջ.Բենեդիկտ որոշեց 1963 թվականի նոյեմբերի 22-ին անել սենսացիոն հայտարարություն:

Բնականաբար, պրեզիդենտի մտադրությունը ծայրաստիճան անհանգստություն առաջացրեց շահագրգիռ մարդկանց շրջանում: Եվ Դալլասում հնչած կրակոցները, թերևս, կանխեցին մարդկության պատմության մեջ ամենասենսացիոն պաշտոնական խոստովանությունը:

Միա մի քանի քաղվածք այդ չկայացած ելույթից, որոնք Մերիկը տպագրել է իր գրքում. «Իմ համաքաղաքացիներ, ամերիկացիներ... Երկիր մոլորակի քաղաքացիներ, մենք միայնակ չենք... Որպես պրեզիդենտ, ես վստահեցնում եմ ձեզ, որ այդ եսկները չարիք չեն ցանկանում մեզ: Ընդհակառակը, նրանք խոստանում են մեզ հետ միասին դիմագրավել և հաղթանակ տանել մարդկության ընդհանուր թշնամիների բռնակալների, աղբատուրյան, հիվանդությունների և պատերազմների



դեմ... նրանց հետ միասին մենք կարող ենք ստեղծել ավելի լավ աշխարհ...»:

Ի՞նչի վրա է հիմնված Կուպերի և նրա համախոհների սույն վարկածը: Նախ և առաջ մանրուք թվացող փաստերի, որոնք ոչ պրոֆեսիոնալիս անգամ հուշում են դավադրության գոյությունը:

Այսպես, «պատահականորեն» ոստիկանության կողմից չէր պաշտպանվում այն շենքը, որտեղից կրակեց Լի Յարվի Օսվալդը: Հաշված ակնթարթների ընթացքում նա ուղղակի ֆիզիկապես անկարող էր նշանառու գնդակ արձակել մի քանի անգամ: Սիրողական կինոժապավենի կադրերը պարզ ցույց են տալիս, որ առնվազն մեկ գնդակ Բենեդիկտ վրա արձակվել է ոչ թե ետևից, այլ դիմացից: Որոշ ժամանակ պահպանվող Բենեդիկտ ուղեղը, որով կարելի էր հստակ որոշել, թե որ կողմից են արձակվել գնդակները, խորհրդավոր հանգամանքներում անհետացավ:

Տարակուսանք է հարուցում պրեզիդենտական ավտոմեքենայի վարորդի հատուկ ծառայությունների բարձրակարգ աշխատակից Ուիլյամ Գրիիի պահվածքը: Նսելով կրակոցները, ըստ հրահանգի, նա պետք է արագացներ մեքենայի ընթացքը: Մինչդեռ նա արգելակեց մեքենան՝ պրեզիդենտին և նրա ընտանիքին վերածելով գերազանց թիրախի: Շնչեցուցիչ է այն հանգամանքը, որ բոլոր նրանց, որոնք սպանության պահին ամենամոտոն են կանգնած եղել մեքենային և տեսել ամեն ինչ, երկու տարվա ընթացքում, հանելուկային հանգամանքներում իրար ետևից զոհվեցին:

Նրանք, որոնք չէին հավատում գլխավոր դատավոր Օուրենի հանձնաժողովի եզրակացությանը, ձեռնարկեցին սեփական հետաքննություն: Նրանք եկան այն հետևություն, որ դավադրությունը կազմակերպել է կենտրոնական հետախուզական վարչությունը: Իսկ երբ այս իրեշավոր հանցագործությունը՝ իրականացվեց, «մալիերը», որոնք կատարել էին իրենց սև գործը, պետք է լռեին: Եվ լռեցին՝ «ուղևորվելով» հանդերձյալ աշխարհ:

Նրանց թվում էր նաև պրեզիդենտական ավտոմեքենայի վարորդ և թիկնապահ Ուիլյամ Գրիիի: Ռազմածովային հետախուզության նախկին բարձրաստիճան սպա Ուիլյամ Կուպերը համոզված էր, որ մահացու է եղել ոչ թե Օսվալդի արձակած գնդակը, այլ Բենեդիկտ անձնակազմ վարորդի և թիկնապահի կրակոցը: Սիրողական առնվազն երեք ժապավենում նկարահանված է այն պահը, երբ պրեզիդենտի վարորդ-թիկնապահ, գաղտնի ծառայությունների աշխատակից Ուիլյամ Գրիիի ծախ ծեղքով, աջ ուսի վրայով, 434 վարչությունում մշակված հատուկ ատրճաճակով կրակում է Բենեդիկտ գլխին:


Երկար ժամանակ Կուպերը այս փաստերը փորձում էր ներկայացնել լայն հասարակայնությանը, դասախոսություններ էր կարդում, ցուցադրում ժապավենները: Ինչ-որ մարդկանց սա դուր չէր գալիս, և դասախոսություններից մեկի ժամանակ նրա վրա մահափորձ կատարվեց: Միայն երջանիկ պատահականությամբ նա կենդանի մնաց, բայց... զոհվեց ոտքից:

Որքանով է կարելի հավատալ Կուպերի լավատեղյակությանը:

Ուիլյամ Կուպերը եղել է ԱՄՆ-ի ռազմածովային հետախուզության բարձրաստիճան սպա: Կա այն կարծիք, որ հենց ռազմածովային նավատորմի ղեկավարություն է իրականացրել այն ստորերկրյա բազաների շինարարությունը, որոնք նախատեսված էին այլմոլորակայինների հետ համատեղ օգտագործման համար: Թոշակի գնալուց հետո Կուպերը իրեն մվիրեց ՉԽՕ-ների առեղծվածի հետաքննության և իշխանությունների կողմից չճանաչված թռչող օբյեկտների գոյությունը թաքցնելու փաստի մերկացմանը:

Ծառայության բերումով նա որոշ ժամանակ գլխավոր հրամանատարությանը տեղեկատվություն է հաղորդել ՉԽՕ-ների վերաբերյալ, իսկ 1972-ին, երբ ծովակալ Ա.Կարկի հետախուզական խմբում էր, ծանոթացել էր կառավարական երկու հաշվետվությունների հետ, որոնք վերաբերում էին այլմոլորակային եկվորներին: Հուլիս գաղտնի այդ հաշվետվություններից մեկում տեքստային ինֆորմացիայից բացի կային սև-սպիտակ 25 լուսանկարներ, որոնք պատկերում էին այլմոլորակային կյանքի տարբեր ձևեր: Որպեսզի ավելի հանգստեցնեք Կուպերի լավատեղյակության մեջ, ավելացնենք, որ «Փոթորիկ անապատում» օպերացիայից մեկ տարի առաջ տրված հարցազրույցում նա կոնկրետ ասել էր Իրաքի վրա հարձակվելու ստույգ օրը: Իսկ այդ ինֆորմացիան նա քաղել էր ամերիկյան հետախուզության գաղտնի նյութերից, որոնք անցել էին նաև նրա ձեռքով: Կուպերի վարկածի կողմնակի ապացույց են պաշտոնաթող գնդապետ Ֆիլիպ Կորսի վերջերս կատարած սենսացիոն խոստովանությունները: Աղմուկ համած «Ռոզուելլից մեկ օր անց» գրքում տեխնիկական հետախուզության նախկին բաժնի պետը խոստովանում է, որ ինքը մասնակցել է Ֆորտ Ռայլում (Կանզաս նահանգ) 1947թ. վթարի ենթարկված «ափսեի» «Օդաչուի» դիակի գնմանը: Կորսոն պատմում է նաև, որ ինքը հնարավորություն է ունեցել մոտակից ուսումնասիրել տարբեր ՉԽՕ-ների բեկորներ՝ հատուկ ամրությամբ մետաղի կտոր, համակարգչային այրված չիպ, ինտեգրալ սխեմաներով թիթեղներ, լազեր հիշեցնող սարք, թափանցիկ ապակեման կաբելներ, հատուկ օպտիկայի մասեր: Կորսոյի կարծիքով ՉԽՕ-ների Ռոզուելլյան և ուրիշ վթարներից ստացված տեղեկությունները շատ բանով որոշել են ամերիկյան գիտատեխնիկական որոնումների ուղղությունները, մասնավորապես համակարգչային, լազերային և ուրիշ տեխնոլոգիաների բնագավառներում: Երբ 1998թ. մարտի 25-ին Ֆենիքսի օկրուգային դատարանում քննվում էր ԱՄՆ-ի պաշտպանության նախարարության կողմից ՉԽՕ-ների մասին կարևորագույն ինֆորմացիան հասարակությունից թաքցնելու գործը, գնդապետ Կորսոն երդման տակ հաստատեց իր գրքում շարադրված փաստերը: (Ի դեպ, մեր թերթը ժամանակին տպագրել է նյութեր Ռոզուելլում վթարի ենթարկված «թռչող ափսեի» և զոհված այլմոլորակայինների մասին):

(Շարունակելի)



ՌԵԱԿԻԿԱ ԱՍՏՂԵՐԸ ՊԱՏԿԱՆՈՒՄ ԵՆ ԲՈԼՈՐԻՆ

Ու թեև արվեստի, գիտության բնագավառներում աստղերն էլ համայն մարդկությանն են պատկանում, բայց խոսքը ուղղակի իմաստով աստղերի մասին է։ Ո՞ր ընթերցողը չէր ուզի թերթում կարդալ տիեզերքի, այլ գալակտիկաների, ինչ իմանաս՝ գուցե նաև այլ քաղաքակրթությունների մասին։ Ի՞նչ էլ ինչ է մեր հայացքները լույսը բացվե-

լուն պես հառած դեպի երկինքը։ Եվ, այսպես, որոշեցինք անդրադառնալ աստղերին։ Այժմ երկրների, Մերձավոր Արևելքի ժողովուրդները կնախանձեն մեզ՝ հայերիս. չէ՞ որ թեև փոքր ենք ու թույլ՝ զարգացած, թեև քաղցած ենք ու ժողովրդի մեծ մասը՝ պանդուխտ, բայց մենք, միայն մենք ունենք Բյուրական, որ բյուրական դեպի երկինք է հառել հայոց միտքը՝ այնտեղից երկիր բերելով մինչ այժմ մեզ անհայտ տեղեկատվություն։

ԶԳՈՒՅՑԸ, ՄԵԶ ՀԵՏԵՎՈՒՄ ԵՆ...



Մենք արդեն հաշտվել ենք այն մտքի հետ, որ ցանկացած հեռախոս (անգամ բջջային) կարող են լսել։ Եվ «հեռախոսային խոսակցությունը գաղտնիք չէ» արտահայտությունը հենց նշանակում էր, որ ինչ-որ շահագրգիռ կողմ կարող է լսել քեզ և, եթե պոտք է, օգտագործել քո դեմ։ Ահա ինչու ուրիշի ականջների համար չնախատեսված գրույցները տեղափոխվում էին բացօդյա տարածություն, հաճախ մարդաշատ վայրեր՝ անտեսանելի միկրոֆոններից ու հետաքրքրասեր ականջներից հեռու։

Սակայն հեռուստատեսային հաղորդակցության միջոցների բուռն զարգացումը այսօր մարդկանց դնում է մի անելանելի վիճակի մեջ, երբ նրանց ամենուր կարող է հետևել ու հետապնդել հեռուստախցիկի ամենատեսաչքը, և մարդը հասկանում է, որ ինքը երբևէ չմեռնի չէ, որ նրա ամեն քայլը, շարժումը, խոսքը, դիմախաղը և անգամ տրամադրությունը պատկերվում է, արձանագրվում ու դրոշմվում ժամանակակից համակարգիչների անհատակ պահեստարաններում։ Անտարակույս, զարհուրելի է ու քստմեղի, բայց սա է այսօրվա իրողությունը, և դրանից չես փախչի ու չես թաքնվի։

...Իսկ ամեն ինչ սկսվեց մի քանի տարի առաջ, երբ Ֆինլանդիայում շոնդալի աղմուկով տապալվեց ռուսական հետախուզական գործակալության ողջ ցանցը։ Իրենք, հետախույզները և նրանց ղեկավարները Մոսկվայում, զուլխ էին կոտրում հասկանալու, թե ինչն էր դրա պատճառը։ Մինչդեռ Ֆիննական հալհետախուզությունը ցնծության մեջ էր, որովհետև ամբողջ գոյության ընթացքում դա նրանց միակ լուրջ հաջողությունն էր։

Ինչպես ասացինք, երկար ժամանակ «Ֆիննական աղետը» մնաց հանելուկ։ Սակայն, ի վերջո, գաղտնիքը բացվեց։

Պարզվում է, որ այս աղմուկ համառ պատմության մեղավորները եղել են այսպես կոչված «սև արկղերը»։ Իսկ Ֆինլանդական այդ «սև արկղերը» այն տեսախցիկներն են, որոնք դրված են Հելսինկիի և այլ խոշոր քաղաքների կենտրոնական և բանուկ հատվածներում գաղտ-

նի դիտելու և հսկելու անցուդարձը, մանավանդ քրեածին իրավիճակները։ Այդ տեսախցիկները հնարավորություն ունեն տեսնելու բավական մեծ տարածություն, իսկ ղեկավարման կենտրոնում նստած օպերատորը ի վիճակի է երկար ժամանակ տեսախցիկի օբյեկտիվով հետևել հետաքրքրող օբյեկտին։ Ավելին, տեսախցիկը ոչ միայն արձանագրում էր պահը, այլև նրա տեսածն ու նկարածը պահ էր տրվում համակարգչի հիշողությանը։ Եվ անգամ ամիսներ անց ոստիկանությունը և հատուկ ծառայությունները կարող էին նորից ու նորից անդրադառնալ ու ուսումնասիրել, հետազոտել պատկերվածը։ Եվ հենց այսպես էլ, համարենք պատահականորեն, Ֆիննական հատուկ ծառայությունները բացահայտեցին խորհրդային հետախուզության ներկայացուցիչների (իսկ ռեզիդենտներին գիտեին) պարբերական և ծրագրված հանդիպումները իրենց համար աշխատող Ֆիննական գործակալների հետ։ Հիմա, կարծում ենք, հիշյալ մեծ ծախսողման դասերը մտել են Ռուսաստանի անվտանգության ծառայության դպրոցների ծրագրերի մեջ։

Վերջին տարիներին տեսահսկողության նման համակարգեր հայտնվել են Արևմուտքի շատ խոշոր քաղաքների կենտրոնական և հատկապես հարուստ քաղաքներում, քանի որ այս երևույթը չափազանց թանկ հաճույք է։

Անցած ժամանակը ցույց տվեց, որ տեսա-հեռուստահսկողությունը չափազանց արդյունավետ է ընդհանրապես հանցագործությունների և մասնավորապես հանդուգն ու խոշոր հանցագործությունների դեմ մղվող պայքարում։ Եվ սա այսպես է, որովհետև այն վայրերը, ուր մեծ փողեր են պտտվում, ուր հարստություն է կուտակված, գտնվում են հեռուստատեսախցիկների շուրջօրյա, ամենատես հսկողության տակ։

Ուսումնասիրելով տեսահսկողության արևմտյան համակարգը, ռուս մասնագետները մշակեցին նորագույն տեխնոլոգիաներ և ստեղծեցին սեփական «սև արկղեր», որոնք այսօրվա դրությամբ մի քանի անգամ գերազանցում են արտասահմանյան նմանատիպ համակարգերին։ Նրա էական ու սկզբունքային առանձնահատկություններից մեկը «ռիսկի» օբյեկտների հայտնաբերումն է, երբ համակարգչային հատուկ ծրագիրը ինքնուրույն տեսախցիկների օբյեկտիվները ուղղում է վազող մարդկանց, ինչպես նաև անսպասելի, անբնական և կտրուկ շարժումներ կատարող անձանց վրա։

Այս համակարգի ստեղծողը ինչ-որ «Դ» ձեռնարկություն է, որը, հասկանալի պատճառներով, գովազդի կարիքը չունի։

Համակարգի փորձարկումը գրավեց ոչ միայն անվտանգության դաշնային ծառայության, ներքին գործերի նախարարության, այլև, և ավելի շատ, Մոսկ-

վայի քաղաքապետարանի ուշադրությունը։ Համակարգի առաջին պատվիրատուն դարձավ մայրաքաղաքի կենտրոնական օկրուգի պրեֆեկտուրան։

Վերջերս մշտապես գործող «սև արկղերի» ցանց (տասնյակ տեսախցիկներով) տեղադրվեց Մոսկվայի կենտրոնական փողոցներում։ Այդ աշխատանքը արտոնեց Դաշնային անվտանգության ծառայությունը, բազան հատկապես մոսկովյան կենտրոնական օկրուգի ներքին գործերի վարչությունը, Ֆինանսավորեց՝ քաղաքապետարանը։ Նպատակը բացարձակապես բարի է՝ պայքար փողոցային հանցագործությունների և պոռնկության դեմ։

Հիմա քաղաքի կենտրոնում արտասահմանյան մեքենաներ փախցնողներին, գրպանահատներին և մյուս հանցագործներին հետևելը դարձել է խաղ ու պար։ Ըստ որում, տեսաերկգտեսածայնագրությունները կարելի է մուլտիսկ ներկայացնել դատարան, որպես ապացույց։ Քաղաքը հեղեղած պոռնիկներից ազատվելը այնքան էլ հեշտ չէ։ Նրանք թրած ունենան փողոցային պոռնկության տեսարանների նկարահանումների վրա։ Հենց այդպիսի՝ տեսարաններ են տեսել։

Հաշվարկը նախատեսված «գիշերային թիթեռնիկների» հաճախորդների համար։ Հազիվ թե հաջողակ գործարարն ու ամուսնացած թիզներն ուզենան, որ իրեն «բռնացնեն» Տվերյան փողոցում, աղջիկ որսալիս։ Իսկ եթե հաճախորդները պակասեն, թռչնակներ էլ կամացկամաց կհեռանան կենտրոնից։ Սակայն ամեն բարի նպատակ ու մտադրություն չէ, որ հաճելի է, կամ օգտակար ու անվնաս։

Պարզվեց, որ փողոցային պոռնիկներն ու մանր-մունր հանցագործները անշուշտ մանրուք են համեմատած այն պատկերների հետ, որ դրոշմվում էին համակարգիչների ամտակ հիշողության մեջ։

Թաքնված տեսախցիկները ցուցադրում էին ոչ միայն իրավախախտողներին, դրան շորթող ավտոտեսուչներին, գրպանահատներին և այլոց։ Կադրում հայտնվեցին բարձրաստիճան պաշտոնյաներ, քաղաքական հայտնի գործիչներ։ Ըստ որում, պատիվ չբերող իրավիճակներում գիշերային ակունքների ու կազինոների,

էլիտար ռեստորանների շքամուտքերի մոտ. հաճախ հարբած և արատավոր շրջապատով։ Մեկը մյուսի հետևից բռնկվում ու մարում էին աղմկահարույց միջադեպեր՝ այս կամ այն բարձրաստիճան ու հայտնի անձնավորությունների կյանքի մութ էջերի մասին։ Աղդեցիկ քաղաքական խմբավորումները սկսեցին ամեն ինչ անել՝ հնարավորություն ստանալու օգտվել հեռուստատեսախցիկների գաղտնի նկարահանումների բարիքներից։ Չէ՞ որ այդ նյութերը կարող են դառնալ հրաշալի միջոց՝ վարկաբեկելու և ոչնչացնելու քաղաքական հակառակորդներին ու մրցակիցներին։

Այսօրվա վիճակով Դաշնային անվտանգության ծառայությունը, հետախուզության գլխավոր վարչությունը, ներքին գործերի նախարարության ստորաբաժանումները եկել են մեկ ընդհանուր հայտարարի՝ համաձայն օգտագործել տեխնիկական այդ նորոթի ընձեռած արտասովոր հնարավորությունները։ Մինչդեռ քաղաքական, օրենսդիր մարմինների ու խմբերի, մեծ բիզնեսի ներկայացուցիչները շարունակում են զգվառողը այդ ծառայությունից օգտվելու մենաշնորհի համար։

...Եթե հեռուստախցիկային փողոցային գաղտնի հսկողության մոր համակարգը լայնորեն օգտագործվի հատուկ ծառայությունների կողմից միայն, դրանում ոչ մի վատ բան չկա, ավելին այն արդյունավետ կդարձնի նրանց աշխատանքը։ Սակայն եթե այդ համակարգից օգտվելու հնարավորություն ստանա քաղաքական կամ հանցագործ ուղևոր խմբավորում, ապա դրա աղետալի հետևանքները անկանխատեսելի են և չափազանց վտանգավոր։

«Իհարկե, ոչ մեկը չգիտեր, հետո՞ւմ են իրեն այդ պահին, թե՞ ոչ...»

Բացառված չէ, որ գաղտնի հետևում էին բոլորին՝ ամբողջ քսանչորս ժամ։ Համեմայն դեպ, կարող էին ուզած պահին սկսել հետևել քեզ։ Քեզ ապրել էր պետք, և դու ապրում էիր բնագործ վերածված տվորայի ուժով և այն գիտակցությամբ, որ քո յուրաքանչյուր քառորդը են և քո ամեն մի շարժմանը՝ հսկում...»։

Հոն ՕՐՈՒԷԼԼ
Պատրաստեց՝
Իրինա ԴՈՒԲԻՆԻՆԱ

Ահա այս գնահատականներով էլ սկսեցի ու ցանկացա վերջացնել Բյուրականի աստղադիտարանի մասին հաղորդագրությունը, երբ աշխատասենյակիս գործընկեր-հարևանս ինձ հուշեց.

— Բայց այդպես էլ մեզ չգրեցին իրենց աստղերի մասին...

Սթափվեցի։ Հիշեցի, որ 2002 թվականի հունվարի 27-ից պայմանավորվում են Բյուրականի տնօրենի հետ՝ ընթացիկ գործերի, դիտարկումների մասին հողված գրել... Չի ստացվում. «մեկ շաբաթ հետո... այս երկուշաբթի անպայման... մեր հարցը լսելու են բաժանմունքում, դրանից հետո անմիջապես», խոստումներից հետո՝ գործը տեղից չի շարժվում։ Ես աստղագետ չեմ ու հավանական է չհասկացա, որ բյուրականցիների լեզվով մեկ շաբաթ, մեկ ամիս, մեկ օր հասկացությունները երկրային չեն, այլ տիեզերական են, հետևապես խոստացված հողվածը կարող է խմբագրությանը տրամադրվել հազար կամ գուցե ավել լույսային տարի հետո։ Է, կոիմանա՞ք այդքան...

Չգիտեմ, գիտեմ միայն, որ 1000 ու 10.000 տարի հետո էլ Բյուրականի տնօրենի հեռախոսի ընկալուչում հնչելու է իմ ձայնը.

— Պարոն տնօրեն, դուք խոսք եք տվել մեզ հողված գրել, ե՞րբ եք կատարելու ձեր խոստումը, քանի՞ ամիս սպասեմք...

Այնպես որ, սիրելի ընթերցող, քանզի լռում է բյուրականցի կարկաչը, դիտեք լուսանկարում պատկերված աստղադիտարանը։ Ոչ, սա Բյուրականը չէ, մեզ այն տրամադրեց Չիլիի լեռներում տեղակայված Եվրոպական աստղադիտարանի ղեկավարությունը։ Չարմանալու բան չկա. դու նստում ես ինքնաթիռ մինչև Փարիզ, այնտեղից ուղիղ Սանտ Յագո, վերջ։ Իսկ Բյուրականի մասին գրելը չի ստացվում. մեկ ավտոբուսը չի գնում, մեկ տնօրենը տեղում չէ, ու մեկ էլ, ինչպես կասեր տիկին Էլմա Պարսամյանը.

— Մի անգամ ձեզ հողված առաջարկեցի, չուզեցիք... Հիմա էլ չեմ ուզում գրել։ Այդ հարցը լուծեք Խաչիկյանի հետ։

Տեղին է ասել՝ բա էսպես եղա՞վ, բա էսպես կարելի՞ է... Դե տիեզերքը մեծ է ու անսահման, ինչքան ասես չես պատահի։

Միայն թե դիմանանք մինչև հաջորդ լույսային երկուշաբթի...
«ԳԻՏՈՒԹՅՈՒՆ»





ՀԱՋԱՐԱՄՅԱԿՆԵՐԻ ՎԱՐԱԳՈՒՅՐԸ ԲԱՅՎՈՒՄ Է

Աշխարհում ավելի ու ավելի լայն թափ են ստանում հնագիտական և հնէաբանական պեղումները, որոնք բացում են անցյալի շատ գաղտնիքներ ու նաև գուշակում մեր հետագա զարգացման ուղիները:

Ֆրանսիական «Լյա ռեշերշ» («Հետազոտություն») հանդեսը ընդարձակ հոդված է նվիրել այդ խնդրին: Աշխարհի տարբեր անկյուններում՝ Մոնղոլիայում, Եգիպտոսում կատարված ուսումնասիրությունները օգնում են մեզ տեսնել ոչ միայն հեռավոր անցյալի կենցաղը, այլև մարդու կմախքների վրա նույնպես օգնությանը ստույգ որոշել դրանց տարիքը... Ահա թե ինչու նախնադարյան դամբարանադաշտերը դարձել են հնագետների ուսումնասիրությունների հիմնական նյութը: Մոնղոլիան հնագիտական երկիր չես համարի: Եվ ահա գիտնականների ուսումնասիրությունները կենտրոնացան այս երկրում: Մոնղոլները պատրաստակամ ընդունեցին գիտնականներին (նկար N 1), իրենց բնակարաններից մի քանի քայլի վրա գտնվող դամբարանադաշտը տրամադրելով հյուրերին: Իսկ ահա Եգիպտոսի հողը ոչ միայն բազում պատմություններ է պահում իր ընդերքում, այլև ծանոթ է հնագետներին (նկար N 2): Աղայիմայի դամբարանադաշտը իր ընդերքում պահում է մ.թ.ա. 3700 տարի առաջ թաղված մարդկանց կմախքները, խմբակային թաղումների վայրեր, որոնք ունեն հնագիտական նշանակության, արժեքավոր նյութ են տալիս մեր մոլորակի ու մարդկության զարգացման ուղու մասին:



ԱՄՈՒՍՆԱԿՈՒԾՎԵԼԸ ՎԼԱՍ Է



Պարզվում է, ավտոմեքենա վարելիս կարևոր է ոչ միայն հմտությունն ու փորձը, ոգելից խմիչքի օգտագործումը, այլև... չեք հավատա, ...ընտանեկան վիճակը: Վերջերս կատարված մարդկանց ընտանեկան դրության վիճակագրական հաշվետվությունները, որոնք անց են կացվել ավտովթարների մեղավորների կամ փողոցային պատահարների մասնակիցների մեջ, երևան հանեցին ապշեցուցիչ արդյունքներ: Արձանագրվեց, որ ամուսնությունից հետո ավտովթարողների ծանապարհային վթարների ենթարկվելու հավանականությունը նվազում է մեկ և կես անգամ: Իսկ ամուսնալուծությունը, ընդհակառակը, ավտոպատահարների ենթարկ-

վելու հավանականության վտանգը մեծացնում է երկու անգամ:

Ինչպես ենթադրում են հոգեբանները, ամուսնացած և ընտանիք ունեցող մարդիկ, ի տարբերություն ամուսնից չունեցողների, ավելի քիչ են ընկնում սթրեսների մեջ և

դրա արդյունքում ավելի սառնասիրտ ու հավասարակշռված են վարում մեքենան:

Այնպես որ, հարգարժան տղամարդիկ, ամուսնացե՛ք և, եթե հնար ունեք, մի ամուսնալուծվե՛ք... համուսնի ձեր և շրջապատի անվտանգության:



ԱՐԲԱՆՅԱԿԸ ՀՍԿՈՒՄ Է ԵՐԹԵՎԵԿՈՒԹՅՈՒՆԸ

Տիեզերական արբանյակների համար գտել են նոր զբաղմունք: Հիմա արդեն նրանք պիտի հսկեն, որ ավտոճանապարհներին վարողները չգերազանցեն սահմանված արագությունը և պահպանեն երթևեկության կանոնները: Տիեզերական արբանյակների այս նպատակով օգտագործման ծրագիրը մշակվել է Լիդսի համալսարանում և կոչված է նվազագույնի հասցնել ծանապարհային վթարները: Ավտոմեքենայի մեջ տեղադրվելու է միսինհամակար-

գիչ, որն ուղիղ կապված է արբանյակի հետ և նրան է հաղորդում ամեն ինչ՝ տեղը, արագությունը, պահվածքը և այլն:

Ոստիկանները, որ անմիջական կապ ունեն արբանյակի հետ, շատ արագ կտեղեկանան, թե «երկրագնդի» որ մասում է գտնվում այս կամ այն ավտոմեքենան, ինչ արագությամբ է շարժվում և այլն:

Միսինհամակարգիչով կառավարելու մեխանիզմը հնարավորություն է ընձեռում անգամ կարգա-

վորել մեքենայի արագությունը: Եթե ավտոմեքենան գերազանցում է սահմանված արագությունը, համակարգչային ծրագիրը անմիջապես դադարեցնում է բեմզիի հոսքը դեպի շարժիչ, և մեքենան պարզապես կանգնում է ու առաջ չի գնում: Սույն ծրագրի ամենամեծ առավելությունը նրա չափազանց էժան լինելն է: Ընդամենը պետք է վճարել հաղորդիչն ավտոմեքենայում տեղադրելու համար:

ԿՏՐԵՑԵՐ ԶԵՌՔՍ

Մեկ տարի առաջ նորգեղանդացի Քլինթ Խելսոնը մտավ պատմության մեջ որպես այն առաջին մարդը, որին պատվաստել էին մեռած մարդու ձեռքը:

Լիոնի մերձակայքում գոհված ֆրանսիացի մոտոցիկլիստի ամբողջ թևը (ուսագոտուց մինչև դաստակը) շտապ հասցրին Նոր Զելանդիա: Վիրահատությունը տևեց 14 ժամ. միացրեցին ոսկորները, զարկերակային և մյուս երակները, նյարդերը, մկանները: Արդյունքում Քլինթը ունեցավ նոր ձեռք: Անցել է ուղիղ մեկ տարի: 50-ամյա Քլինթը հիմա խնդրում է վիրաբույժներին՝ վիրահատել և հեռացնել այդ ձեռքը, որովհետև այն «օտար է և իրենը չէ»: Նա համարում է, որ ինքը հիմա ավելի է հաշմված, քան այն ժամանակ, երբ այդ օտար ձեռքը չուներ: Պատվաստված ձեռքը ավելի հաստ է և երկար, քան Քլինթի հարազատ ձեռքը: Այդ պատճառով նա հաճախ պատվաստված ձեռքը թաքցնում է օտար աչքերից:

Բժիշկներն, իհարկե, համաձայն չեն հեռացնել Քլինթի պատվաստված ձեռքը և շատ զայրացած են, որ իրենց ծանր ու փայլուն աշխատանքը այդպես է գնահատվում:

ԿԵՆԴԱՆԻՆԵՐԸ ՄԱՐԴԿԱՅԻՆ ՕՐԳԱՆՆԵՐԻ ԴՈՆՈՐ

Ճապոնացի գիտնականները «հավանություն» են ստացել բուժելու կենդանիներ, մարդկային օրգաններով: Խոսքն արդեն չի վերաբերում լոկ խոզերին, որոնց սիրտն ու լյարդը կարելի է պատվաստել մարդուն: Նորագույն հետազոտությունները այսօր հնարավոր են դարձնում մարդկային փողային բջիջները աճեցնել զանազան կենդանիների վրա: Ասենք հավ՝ մարդկային ականջներով, ջայլամ՝ մարդկային ոտքերով և այլն:

Այս հրաշալիքները կարող են իրականություն դառնալ մարդկային օրգանիզմի բջիջները ներմուծելով կենդանիների բեղմնավորված ձվաբջիջների մեջ:

Մարդկային օրգանների դոնորության հարցը մինչև օրս չափազանց բարդ խնդիր է: Որպեսզի վեցվի մարդկային մարմնի որևէ օրգան, պետք է ստանալ օրգանի տիրոջ կամ հարազատների համաձայնությունը: Պատվաստվող օրգանների համար հիվանդները պատ-

րաստ են վճարել աներևակայելի գումարներ: Հենց այս հանգամանքն է, որ մարդկային օրգանների պատվաստումը ավելի ու ավելի է դառնում հանցագործ բիզնեսի աղբյուր:

Եթե ճապոնացի գիտնականների հետազոտությունների արդյունքները կյանքի կոչվեն (մի բան, որ նրանք միանշանակ երաշխավորում են), ապա մարդկային դոնոր օրգանի հայթայթումը դառնում է դյուրին: Վերցնում եք որևէ կենդանի՝ աճեցրած մարդկային որևէ օրգանով, «մատաղ եք անում»... և հիվանդ մարդը փրկված է:

«ԳԻՏՈՒԹՅՈՒՆ»

ԹԵՐԹԸ ՀՐԱՏԱՐԱԿՎՈՒՄ Է ՀՈՎԱՆԱՎՈՐԱԿԱՆ ՆՊԱՏՆԵՐՈՎ:
ԹԵՐԹԻ ԱՅՍ ԵՎ ԱՌԱՋԻՎԱ ՅԱՄԱՐՆԵՐԸ ՀՐԱՏԱՐԱԿՎՈՒՄ ԵՆ ՀՀ ԳԱՍԱԿԱԴԵՄԻԱԿՈՍՏԵՐԻ ԵՎ ԹՂՈԱԿԻՑ ԱՆՊԱՏՆԵՐԻ ՀՈՎԱՆԱՎՈՐՈՒԹՅԱՒԸ:
ՇՆՈՐՀԱՎԱՆՈՒԹՅՈՒՆ...

«ԳԻՏՈՒԹՅՈՒՆ»

Գլխավոր խմբագիր՝
ՎԼԱԴԻՄԻՐ ՍՈՒՐԱԳՅԱՆ
Երևան - 19, Մարշալ Բաղրամյան 24դ, հեռախոս՝ 56-80-14:
ՀՀ ԳԱՍ «Գիտություն» հրատարակչություն:
Դասիչ՝ 69268, գրանցման վկայական՝ 448: Ստորագրված է տպագրության՝ 25.06.2002թ.
"ГИТЮТИОН" ("Hayka") - газета НАН РА

